

EPOKA

ERE

E përditshme e pavarur
Viti XXI, nr. 6237
E enjte, 11 shkurt 2021
çmimi 0.40 €

Katër të vdekur, 221 të shëruar dhe 307 raste të reja me Covid



Na ndiqni edhe në:

www.epokaere.com

facebook.com
Gazeta "Epoka e re"

AWR ABRUCH GMBH
www.awr-abbruch.de

DHOMAT E SPECIALIZUARA KANË NDRYSHUAR ORARIN E MBAJTJES SË SEANCËS SË RADHËS NDAJ ISH-DREJTUESVE TË UÇK-së

SPECIALJA SHTYN SEANCËN NDAJ ISH-KRERËVE TË UÇK-së



Gjykata Speciale ka ndryshuar kalendarin e mbajtjes së seancës ndaj Hashim Thaçit, Kadri Veselit, Rexhep Selimit dhe Jakup Krasniqit. Seanca e tretë në lidhje mbi ecurinë e çështjes ndaj ish-krerëve të UÇK-së që ishte paraparë të mbahet sot (e enjte) nga ora 11:00 është shtyrë për të martën, më 16 shkurt, në të njëjtën kohë. Specialja nuk ka dhënë shumë detaje për vendimin e shtyrjes së kësaj seance, ndërsa Adil Behramaj, ish-këshilltar i ish-presidentit Hashim Thaçi, ka thënë se shtyrja ka ndodhur për kalkulime politike

OPINION

KOSOVA, KUBËZ E MUNGUAR NË MOZAIKUN POLITIK TË NDRYSHUAR TË BALLKANIT, DREJT TË SË MAJTËS

Behxhet Sh. SHALA - BAJGORA



AKTUALE



KURTI: ARBEN XHELADINI DHE MON BALAJ JANË DËSHMORË TË VULLNETIT TË POPULLIT PËR LIRI

LIGJI PËR MBROJTJEN E SINJALIZUESVE SË SHPEJTI DO TË PROCEDOHET PËR MIRATIM NË QEVERI

AKTUALE

QEVERIA NDAN 579 345 EURO PËR INVALIDËT E LUFTËS SË UÇK-së

ZYRTARËT E ORGANIZATAVE BUXHETORE TRAJNOHEN PËR ZBATIMIN E PROCEDURAVE TË FINANCEVE PUBLIKE

INDEP-i: SUBJEKTET POLITIKE PO INJOROJNË TË DREJTAT E KONSUMATORËVE

KOSOVA KA DËSHTUAR NË DIPLOMACINË EKONOMIKE

Ministria e Punëve të Jashtme ka dështuar në diplomacinë ekonomike, përkatësisht në emërimin e atashëve ekonomikë të cilët do të lobonin për zhvillimin e ekonomisë së Kosovës, për tërheqjen e investitorëve të huaja, si dhe për krijimin e marrëdhënieve ekonomike me shtetet e zhvilluara. Kështu kanë thënë për gazetën "Epoka e re" ekspertë të fushës së ekonomisë, por edhe përfaqësues të bizneseve. Bashkëpunëtori i lartë për hulumtime në Institutin "Riinvest", Pëllumb Çollaku, ka thënë se mungesa e atashëve ekonomikë vjen për shkak të mospërvojës diplomatike të Kosovës. Ndërsa drejtori ekzekutiv i Odës Ekonomike Amerikane, Arian Zeka, ka thënë për gazetën "Epoka e re" se shteti i Kosovës ka dështuar në diplomacinë ekonomike për shkak të mosëmërimit të atashëve ekonomikë në misionet diplomatike



Kryediplotmatja shqiptare i kërkon Sllovakisë hapjen e një zyre ndërlidhëse për Kosovën në Bratislavë



RENOVA
PUTZ
Maqedoni
Xhepcisht-Tetovë
Curëz-Ferizaj
Tel: +389 44 487 300; +389 44 487 009
+389 44 487 755
Fax: +389 44 487 200
Mob: +377 44 501 289
E-mail: renova@mt.net.mk

PRINCESHA
GROUP SH.P.K.
NDËRTIM
PROJEKTIM
SHITJE
INFO: 049-111-101,
044-511-177
www.princesha-ks.com

Bunjamini
FABRIKA E LLAQEVE
MITROVICË
044/256-051
044/367-061
028/532-617
STYROKOL · BUNJAKOL · EUROFASADË

Kolegji BIZNESI
www.kolegji.biznesi.com
info@kolegji.biznesi.com
038 500 878 | 045 500 878
044 500 878 | 049 500 878

SIGMA
VIENNA INSURANCE GROUP
SIGMA INTERALBANIAN VIENNA INSURANCE GROUP SH.A
DEGA KOSOVË
Rruga "Pashko Vasa", p.n Prishtinë, Kosovë,
Tel: +381 (0)38 246 301 Fax: +381 (0)38 246 302,
E-mail: info@sigma-ks.net | www.sigma-ks.net

INFINITY
Digital Agency
Endrit Shaqiri
+38344685122
Internet Website,
Marketing...

BE-ja e ndarë për idenë e 'pasaportës së vaksinimit'

BRUKSEL, 11 SHKURT - Vendet anëtare të Bashkimit Evropian (BE) mbesin të ndara lidhur me idenë e një "pasaportë të vaksinimit". Vendet bregdetare të BE-së po e mbështesin një ide të tillë për shkak se një pjesë e ekonomisë së tyre varet nga turizmi. Muajin e kaluar Greqia ka bërë thirrje që Komisioni Evropian të lejojë që "certifikatat e vaksinës" të përdoren për udhëtime në BE. Të hënën ky vend nënshkroi një marrëveshje me Izraelin për ta mundësuar udhëtimin e personave të vaksinuar. Diskutimet brenda bllokut 27 anëtarësh janë duke u zhvilluar për rregullat e përbashkëta mbi të dhënat e pacientëve dhe njohjen e certifikatave të vaksinave. Ende

nuk ka një qëndrim të përbashkët se çfarë të drejta mund të sigurojë një certifikatë e tillë.

Spanja, e cila është shumë e interesuar për të pasur turistë, ende nuk ka lëshuar një "pasaportë të vaksinimit". Ministrja e Jashtme, Arancha Gonzalez Laya, e ka vlerësuar një ide të tillë si "një element shumë i rëndësishëm për të garantuar një kthim të sigurt të lëvizjes". Edhe Italia beson se një dokument i tillë mund ta hapë rrugën e kthimit në aktivitete normale. Suedia dhe Danimarka kanë shpallur tashme certifikatat elektronike, në bazë të të cilave mund të bëhen udhëtimet jashtë vendit. Në Danimarkë, për shembull, ata që



kanë këto dokumente mund të darkojnë në restaurante.

Organizata Botërore e Shëndetësisë e mbështet mundësinë e certifikatave të vaksinave, por ka shprehur

kritika që ato të përdoren si kusht për ta mundësuar udhëtimin. "Nuk kanë të gjithë qasje në vaksina. Pastaj, ne nuk e dimë nëse ato parandalojnë transmetimin", ka thënë ministri

i Shëndetësisë, Olivier Veran, në janar. Gjermania është, gjithashtu, kundër që një pakicë e njerëzve të vaksinuar të gëzojnë privilegje të cilat u ndalohen të tjerëve. "Nëse një restorant dëshiron të hapet vetëm për njerëzit e vaksinuar, do të ishte e vështirë të ndalohet sipas ligjeve aktuale", ka thënë ministrja e Drejtësisë, Christine Lambrecht.

Në Bashkimin Evropian (BE) janë vaksinuar me dy doza të vaksinës vetëm 5.5 milionë njerëz, raporton "AFP". Kjo përbën vetëm 1.2 për qind të popullsisë. Të paktën 12.8 milionë njerëz apo 2.9 për qind e popullsisë së bllokut kanë marrë një dozë, e cila siguron imunitet të pjesshëm ndaj Covid-19.

Gjermania pritet ta zgjasë masën e izolimit

BERLIN, 10 GUSHT - Gjermania pritet ta zgjasë masën e izolimit të pjesshëm deri në fillim të muajit mars, pavarësisht pse shkalla e infektimit është duke rënë në shtetin me ekonominë më të madhe në Evropë. Kancelarja gjermane Angela Merkel dhe kryetarët e 16 landeve do të mbledhen më 10 shkurt për të diskutuar për strategjinë e së ardhmes teksa rriten thirrjet nga bizneset për t'i lehtësuar masat e izolimit. Merkeli raportohet se preferon t'i zgjasë masat të cilat janë në fuqi prej muajit nëntor dhe të

cilat janë ashpërsuar në mesin e muajit dhjetor. "Ne nuk do të fitonim asgjë nëse do ta largonim izolimin para kohës", u ka thënë Merkel pjesëtarëve të Partisë së saj Demokristiane (CDU), kanë deklaruar pjesëmarrësit e këtij takimi. Ajo besohet të ketë bërë edhe paralajmërimet se shkalla e infektimit mund të rritet sërish nëse izolimi hiqet shpejt.

Qeveria ka vënë synim që duhet të raportohen 50 raste për 100 000 banorë, në mënyrë që të hiqet izolimi. Aktualisht në këtë shtet raportohet për 73 persona në 100 000 banorë,

gati gjysmë më pak sesa në mesin e muajit janar. Megjithatë, shkalla e vdekshmërisë vazhdon të mbetet e lartë, rreth 500 në ditë. Ky debat vjen teksa Evropa vazhdon të përballet me vështirësi për vaksinim të shpejtë, në mungesë të vaksinave. Variantet që përhapen më lehtë, në anën tjetër, kërcënojnë përparimin e vogël që është bërë kundër pandemisë. Një mori studimesh kanë gjetur se një numër vaksinash janë më pak efektive kundër të ashtuquajturit variant jugafrikan i koronavirusit.



Deputetët evropianë miratojnë paketën për rimëkëmbje

STRASBURG, 10 GUSHT - Deputetët e Parlamentit Evropian kanë miratuar planin për rimëkëmbje të këtij blloku, duke ua hapur rrugën vendeve anëtare që të kenë qasje në gati 700 miliardë euro si kredi apo grante, me qëllim të tejkalmimit të dëmeve ekonomike që ka shkaktuar pandemia.

Grantet - rreth 300 miliardë euro - do të ndahen për investime dhe reforma, me qëllim të stimulimit të ekonomive të 27 vendeve anëtare, transmeton "DPA". Për të fituar qasje në të holla, shtetet e BE-së duhet t'i



dorëzojnë planet e tyre për shpenzime deri më 30 prill. Komisioni Evropian dhe vetë shtetet e BE-së më pas duhet të pajtohen për secilin plan. Në votimin e të martës, rezultatet

e të cilit janë publikuar të mërkurën, deputetët e Parlamentit Evropian kanë miratuar planin me shumicë votash. Përgjatë debatit, deputeti

Siegfried Muresan, që ka qenë i përfshirë në negociatë, ka thënë se fondet duhet të shfrytëzohen për t'i modernizuar ekonomitë e shteteve. "Këto para nuk duhet të përdoren për shpenzime të zakonshme të buxhetit, por për investime dhe reforma", ka thënë ai. Shtetet anëtare ende duhet ta pranojnë zyrtarisht paketën, mirëpo nuk pritet të ketë pengesa në këtë aspekt. Problemi më i madh do të jetë miratimi i vendimit që i mundëson bllokut evropian t'i huazojë paratë nëpër tregje.

Shumica e paketës së rimëkëmbjes besohet se do të financohet në këtë mënyrë. Kur ky dokument të ratifikohet dhe të miratohet planet kombëtare, Komisioni Evropian duhet t'i ndajë paratë për qeveritë, mirëpo ato nuk pritet të dorëzohen për disa muaj, marrë parasysh procedurat komplekse. Plani i BE-së për rimëkëmbje do t'i mbulojë masat që zbatohen në periudhën shkurt 2021 - gusht 2026. Projektet që janë miratuar para planit për rimëkëmbje do të mund të financohen po ashtu.

Presidentja e Komisionit Evropian pranon vonesat për vaksinat kundër Covidit

BRUKSEL, 10 SHKURT - Presidentja e Komisionit Evropian, Ursula von der Leyen, ka pranuar gabimet në strategjinë për të siguruar vaksina të mjaftueshme për 447 milionë qytetarët e Bashkimit Evropian, teksa është përballur me kritika nga ligjvënësit lidhur me menaxhimin që i ka bërë

blloku evropian vaksinimit. "Ne ende nuk kemi ku duam të jemi. Kemi qenë të vonshëm në autorizim. Ne kemi qenë shumë optimistë kur kemi pasur të bëjmë me prodhim masiv dhe, ndoshta, kemi pasur shumë vetëbesim se ajo që e kemi porositur mund të dergohej në kohë", ka thënë von der Leyen para

Parlamentit Evropian më 10 shkurt. Megjithatë, politikanja gjermane ka mbrojtur qasjen e përgjithshme të bllokut evropian për luftën kundër pandemisë përmes një plani të përbashkët për vaksina në të 27 vendet. Teksa Bashkimi Evropian tejkalon shifrën e 500 000 personave të vdekur me

koronavirus, Komisioni Evropian është duke u përballur me kritika për skemë të ngadalshme të vaksinimit, e cila mundësohen negociimin për blerje të vaksinave në emër të të gjitha vendeve të BE-së. Shpërndarja e vaksinave është goditur edhe nga prodhuesit e vaksinave të cilët kanë përmendur kapacitetet dhe

furnizimet si arsye për vonesat. Kompanitë "Pfizer" dhe "AstraZeneca" janë vetëm dy prej kompanive që kanë thënë se nuk do të mund të arrijnë pritshmëritë për prodhim të vaksinave për shkak të disa ndryshimeve që duhen bërë nëpër fabrikat e tyre, me qëllim të rritjes së kapacitetit të prodhimit në të ardhmen.

Katër të vdekur, 221 të shëruar dhe 307 raste të reja me Covid

PRISHTINË, 10 SHKURT (ER) - Instituti Kombëtar i Shëndetësisë Publike i Kosovës (IKShPK) ka njoftuar se gjatë 24 orëve të fundit në vendin tonë kanë ndërruar jetë katër persona si pasojë e infektimit me Covid-19. Po ky institut ka njoftuar se gjatë kësaj periudhe kohore janë paraqitur 307 raste të reja dhe janë shëruar 221 persona. "Gjatë 24 orëve të fundit në Laboratorin e Mikrobiologjisë Molekulare në IKShPK dhe në laboratorët privatë me metodën RT-PCR janë testuar gjithsej 1 787 mostra të marra nga ShSKUK-ja

dhe gjurmimi i kontakteve të rasteve në terren, prej të cilëve rezultojnë 307 raste pozitive. Brenda 24 orëve janë raportuar 4 raste të vdekjes me SARS-CoV-2 pozitiv. Rastet e të vdekurve janë nga komunat: Fushë-Kosovë 1 rast (58 vjeç), Malishevë 1 rast (63 vjeç), Prizren 1 rast (63 vjeç) dhe Suharekë 1 rast (58 vjeç). Numri total i rasteve pozitive është 63 089 raste nga 256 355 persona të dyshimtë në virusin SARS-CoV-2 dhe 1 532 raste të vdekjes. Gjatë 24 orëve të fundit janë shëruar 221 pacientë derisa numri i përgjithshëm i të




shëruarve deri më sot është numri i rasteve aktive është 6 gjithsej 54 661 raste, kurse 896", ka njoftuar IKShPK-ja,

duke treguar numrin e rasteve të reja me Covid sipas komunave. "Rastet pozitive janë nga komunat: Prishtinë 128 raste, Prizren 34 raste, Gjakovë 17 raste, Fushë-Kosovë 16 raste, Pejë 16 raste, Podujevë 16 raste, Mitrovicë 12 raste, Gjiilan 9 raste, Vushtrri 9 raste, Lipjan 8 raste, Istog 6 raste, Suharekë 6 raste, Malishevë 5 raste, Rahovec 5 raste, Dragash 4 raste, Drenas 4 raste, Ferizaj 4 raste, Deçan 2 raste, Obiliq 2 raste dhe me nga një rast komunat Hani i Elezit, Kamenicë, Kaçanik dhe Skenderaj", ka njoftuar IKShPK-ja.

Klinika e Syve shton vëllimin e punës, ul referimet jashtë vendit

PRISHTINË, 11 SHKURT (ER) - Shërbimi Spitalor dhe Universitar i Kosovës (ShSKUK) ka njoftuar se numri i rasteve të referuara nga Klinika e Syve në QKUK për trajtim jashtë institucioneve publike shëndetësore ka rënë në më shumë se 50 për qind gjatë vitit 2020. Sipas ShSKUK-së, vitin e kaluar 190 pacientë të cilët kanë pasur probleme të ndryshme shëndetësore me sy, të cilat nuk janë trajtuar në Kosovë, janë dërguar për shërim jashtë institucioneve publike shëndetësore. "Në vitin 2019 u referuan 469 raste, ndërsa në vitin 2018 ishin referuar 527 raste për shërim jashtë institucioneve publike shëndetësore. Pas blerjes së

aparaturës së re dhe pas trajnimeve të vazhdueshme që kanë ndjekur mjekët, në Klinikën e Syve gjatë vitit 2020 janë aktivizuar shërbime të reja shëndetësore. Për një vit mjekët specialistë të oftalmologjisë kanë kryer 126 operacione në segmentin e pasmë të syrit apo PPV (Pars Plana Vitrectomy), 37 intervenime me 'Laser Assisted DCR' - 'Dacryocystorhinostomy' (operim i kanalit të lotit me laser), 41 raste me 'Cross-Linking (CXL)' te rastet me keratokonus dhe 4 ndërhyrje me laserim të retinopatias të prematurit - ROP (ndërhyrje me laser të fëmijët e lindur para kohe, që kanë problem me enët e gjakut)", ka njoftuar ShSKUK-ja. Më herët, në pamundësi për t'i



marrë këto shërbime në QKUK, qytetarët e Kosovës janë detyruar të gjejnë zgjidhje jashtë institucioneve publike shëndetësore dhe në vendet e huaja, duke harxhuar mijëra euro.

Shqipëri: Më 15 shkurt mbërrin sasia tjetër e vaksinave kundër Covidit



TIRANË, 10 SHKURT (ER) - Ministria e Shëndetësisë në Shqipëri, Ogerta Manastirliu, në një konferencë me gazetarë, ka deklaruar se më 15 shkurt do të vijë ngarkesa tjetër me vaksinat kundër Covidit nga kompania "Pfizer". Ministria ka theksuar se Qeveria e Shqipërisë ka mundur të sigurojë vaksina për 800 mijë qytetarë të cilët do të

vaksinohen hap pas hapi sipas strategjisë së ekspertëve. "Vaksina është arma më e fuqishme për ta kontrolluar pandeminë për të cilën, sa të njohura, kemi aq dhe të panjohura. Është e rëndësishme që të dimë sa është numri i të prekurve. Qeveria ka siguruar nga 'Pfizer' dhe 'Covax' vaksina për 800 mijë qytetarë, ku përfshihen

grupet kryesore të rrezikut dhe prioritare dhe ne kemi filluar me ato që janë më të ekspozuarit e që janë mjekët, infermierët dhe epidemiologët. Kemi filluar me dozën e dytë të vaksinimit dhe vijojmë me rritjen e tyre pasi ju e dini tashmë se më 15 shkurt do të bëhet edhe mbërritja e dozave të tjera nga 'Pfizer', ka thënë Manastirliu.

Valbon Krasniqi emërohet drejtor i ShSKUK-së

PRISHTINË, 10 SHKURT (ER) - Bordi Drejtues i Shërbimit Spitalor Klinik Universitar i Kosovës (ShSKUK) ka emëruar të mërkurën edhe zyrtarisht, Valbon Krasniqin në krye të këtij institucioni shëndetësor. "Bordi Drejtues i

Shërbimit Spitalor Klinik Universitar të Kosovës në mbledhjen e mbajtur më 10 shkurt 2021, në mënyrë unanime e ka votuar raportin e komisionit vlerësues, në bazë të të cilit drejtor i përgjithshëm i ShSKUK-së

emërohet dr. Valbon Krasniqi", ka njoftuar ShSKUK-ja. Krasniqi për disa muaj ka shërbyer ushtrues detyre i drejtorit të ShSKUK-së, pas largimit të Basri Sejdiut nga kjo pozitë. Krasniqi me profesion është infektolog.





DHOMAT E SPECIALIZUARA KANË NDRYSHUAR ORARIN E MBAJTJES SË SEANCËS SË RADHËS
NDAJ ISH-DREJTUESVE TË UÇK-SË

Specialja shtyn seancën ndaj ish-krerëve të UÇK-së

Gjykata Speciale ka ndryshuar kalendarin e mbajtjes së seancës ndaj Hashim Thaçit, Kadri Veselit, Rexhep Selimit dhe Jakup Krasniqit. Seanca e tretë në lidhje mbi ecurinë e çështjes ndaj ish-krerëve të UÇK-së që ishte paraparë të mbahet sot (e enjte) nga ora 11:00 është shtyrë për të martën, më 16 shkurt, në të njëjtën kohë. Specialja nuk ka dhënë shumë detaje për vendimin e shtyrjes së kësaj seance, ndërsa Adil Behramaj, ish-këshilltar i ish-presidentit Hashim Thaçi, ka thënë se shtyrja ka ndodhur për kalkulime politike

EPOKA ERE

Muhamet KOCI

PRISHTINË, 10 SHKURT - Gjykata Speciale ka shtyrë seancën e radhës për ish-krerët e Ushtrisë Çlirimtare të Kosovës, Hashim Thaçi, Kadri Veseli, Rexhep Selimi dhe Jakup Krasniqi. Seanca e tretë për ecurinë e çështjes ndaj ish-krerëve të UÇK-së, që ishte paraparë të mbahet sot (e enjte) nga ora 11:00, është shtyrë për të martën, më 16 shkurt, në të njëjtën kohë. Sipas njoftimit të lëshuar nga Specialja për shtyrjen e kësaj seance, kjo ka ndodhur për arsye organizative që, sipas tyre, lidhen edhe me mundësinë e pranisë së palës mbrojtëse në seancë. Ecuria e çështjes gjyqësore parashihet me rregullën 96 të Rregullores së

Procedurës dhe Provave të Dhomave të Specializuara të Kosovës.

Gjykata Speciale këtë shtyrje nuk e ka ndërlidhur me ndonjë ngjarje politike. Por, pas njoftimit për shtyrje, ka pasur zëra që kjo ka ndodhur për shkak të zgjedhjeve të parakohshme në Kosovë të cilat do të mbahen më 14 shkurt. Adil Behramaj, ish-këshilltar i ish-presidentit të Kosovës, Hashim Thaçi, ka thënë se vendimi për shtyrje të seancës është kalkulim politik. Sipas tij, nuk është hera e parë që kjo gjykatë bën politikë me këtë proces. "Që nga njoftimi i Zyrës së Prokurorit të Specializuar për dorëzimin e aktakuzës ndaj Hashim Thaçit dhe Kadri Veselit, një praktikë e paprecedent në drejtësinë ndërkombëtare, deri

në vendimin e tashëm për shtyrjen e paraqitjes së tyre para Gjykatës Speciale, nga 11 shkurti më 16 shkurt, duket se nuk ka asnjë rastësi në sjelljen e kësaj gjykate me themeluesit e UÇK-së dhe themeluesit e shtetit të Kosovës. Me publikimin e njoftimit për ngritjen e aktakuzës ende pa u konfirmuar, Gjykata Speciale bëri gjeopolitikë. Me shtyrjen e paraqitjes së tyre para gjyqtarit të procedurës, sepse jemi në prag të ditës së zgjedhjeve, Gjykata Speciale bëri kalkulim politik", ka shkruar ai në profilin e tij në "Facebook".

Ai ka thënë se shtyrja është bërë me pretendimet se prania mediale e Thaçit dhe Veselit mund të ndikojë te votuesit në Kosovë. "Po i frikësohen paraqitjes së Hashim Thaçit e

Kadri Veselit edhe në Dhomat Speciale në Hagë. Po druhen që prania mediale njëditore e tyre ndikon te votuesit dhe ua prishë atyre skenarin politik, të cilin po përpiqen ta jetësojnë në emër të drejtësisë. Kjo është dëshmi tjetër që largimi i tyre nga skena politike në emër të drejtësisë ishte dhe mbetet tërësisht i sinkronizuar. Megjithatë, të drejtën e votimit nuk ua kanë mohuar dhe votat e tyre kanë arritur nga Haga në Komisionin Qendror të Zgjedhjeve. Hashim Thaçi e Kadri Veseli dihet kënd e kanë votuar dhe dihet se kënd do të dëshironin që ta votonit edhe ju", ka shkruar Behramaj.

Prokuroria insiston që gjykimi ndaj ish-krerëve të UÇK-së të nisë në shtator

Prokuroria e Gjykatës Speciale në Hagë është duke vazhduar të insistojë me çdo kusht që gjyqi ndaj ish-krerëve të UÇK-së të nisë në shtator ani pse mbrojtja e të akuzuarve ka kërkuar më shumë kohë. Ashtu siç ka kërkuar gjykatësi francez i

procedurës paraprake, Prokuroria e Specializuar ka dërguar tanimë parashitë për seancën e radhës. "SPO më parë i ka kërkuar gjykatës të caktojë një datë gjykimi jo më vonë se shtatori 2021 dhe mbi atë bazë tregoi gatishmëri dhe aftësi për ta siguruar materialin deri në korrik 2021 si pasojë e të cilit autorizimi gjyqësor për të prezantuar çdo material të mëtejshëm zakonisht do të hynte në fuqi", është thënë në parashitë të Zyrës së Prokurorit.

Prokuroria insiston se fillimi i gjyqit tre muaj pasi është dhënë procesverbali i tërësisht i procedurës paraprake është brenda kornizave dhe praktikave ligjore. "Pavarësisht prej hedhjes poshtë të mbrojtjes nga refleksi i perspektivës që gjyqi mund të fillojë tre muaj pasi është dhënë procesverbali i procedurës paraprake të prokurorisë, orari është plotësisht në përputhje me kornizën e zbatueshme, drejtësinë e procedurat dhe praktikën e vendosur. Në të vërtetë, një hendek tremujor midis përfundimit e zbulimit

dhe/ose sigurimit të njoftimit paraprak të prokurorisë, dëshmime dhe listave të ekspozimeve, është një standard i zbatuar zakonisht për raste komplekse ndërkombëtare”, është thënë në parashtrësat e Prokurorisë. Prokuroria e Specializuar më tutje kundërshton të gjitha propozimet e mbrojtjes që gjyqi të nisë kah fundi i 2022-s apo fillimi i 2023-s. Ajo pretendon se avokatët në interpretimet e tyre kanë rrjedhur nga faktet reale për kohëzgjatjen e gjyqeve të tjera në tribunale ndërkombëtare. ZPS-ja ka theksuar se faktet e paraqitura nga mbrojtja paraqesin një studim akademik, në të cilin prezantohet kohëzgjatja e gjyqeve në tribunale ndërkombëtare, e ku llogaritet koha që nga ngritja e aktakuzës deri në nisjen e gjykimit. Prokurorët e Specializuar më tutje kundërshtojnë edhe argumentin tjetër të mbrojtjes e cila krahason kohën e kaluar në hetime nga organi ndjekës si dhe mbrojtja. “Më në fund, mbrojtja ka cituar gjatësinë e supozuar të hetimit të prokurorisë në mbështetje të parashikimeve të veta të hetimit paragjyqësor. Si fillim, kallëzuesi për pretendimin është i pavërtetë - gjatësia e supozuar e hetimit të ndjekjes penale është thjesht një vlerësim i përgjithësuar dhe i pasaktë bazuar në gjatësinë e institucionit që ka ekzistuar. Për

më tepër, argumenti rrjedh nga një premisë e rremë. Ndryshe nga SPO, mbrojtja nuk thirret për të kryer një hetim të gjerë për të identifikuar dhe më pas për t'i vendosur elementet e provave në lidhje me një numër të patreguar të ngjarjeve për një periudhë të gjatë, të gjitha në një standard të përtej dyshimit të arsyeshem. Në vend të kësaj thirret që t'i përgjigjet një distiniimi”, është thënë në parashtrësën e Prokurorisë. Ditë më parë gjyqtari i procedurës paraprake në kuadër të Dhomave të Specializuara, Nicolla Goillou, ka refuzuar kërkesën e mbrojtjes së Hashim Thaçit, Kadri Veselit, Rexhep Selimit e Jakup Krasniqit për lirim nga paraburgimi. Më pas, avokatët e 4 të akuzuarve kanë apeluar vendimin në Gjykatën e Apelit në kuadër të Dhomave të Specializuara. Të gjithë të akuzuarit, gjatë paraqitjeve të tyre në seancat e para gjyqësore, janë deklaruar të pafajshëm, duke hedhur poshtë të gjitha pikat e aktakuzës. Veprat që rëndojnë ndaj Thaçit dhe të tjerëve kanë të bëjnë me krime lufte, ndalim të paligjshëm ose arbitrar, trajtim mizor, torturë dhe vrasje të paligjshme, zhdukjes me forcë të personave dhe përndjekjes së tyre, të cilat, sipas Dhomave të Specializuara, janë kryer midis marsit 1998 dhe shtatorit të vitit 1999.



Nasim Haradinaj mbetet në paraburgim

Paneli i Gjykatës së Apelit pranë Dhomave të Specializuara ka refuzuar apelin e Nasim Haradinajt kundër vendimit për mbajtjen e tij të mëtejshme në paraburgim. Ndër arsyetimet e Apelit është edhe pretendimi se Haradinaj ka zbuluar emrat e disa individëve të lidhur me konfidencialitetin e hetimeve

dhe ka inkurajuar mediat të bëjnë të njëjtën gjë, e që tregon se gjyqtari i procedurës paraprake kishte vlerësuar se Haradinaj mund t'i vë në rrezik dëshmitarët e mundshëm përmes publikimit të informatave konfidenciale. Nën kryetari i OVLUÇK-së, Nasim Haradinaj, është arrestuar më 25 shtator të vitit të kaluar.

Qeveria ndan 579 345 euro për invalidët e luftës së UÇK-së

PRISHTINË, 10 SHKURT - Qeveria e Kosovës ka miratuar vendimin për ndarjen e mjeteve financiare për mbulimin e shpenzimeve për nevojat emergjente për protezat e invalidëve të luftës së UÇK-së. Në njoftimin e bërë për media është thënë se me vendimin e Qeverisë së Republikës së Kosovës është aprovuar kërkesa e Shoqatës së Invalidëve të Luftës së UÇK-së për ndarjen e mjeteve financiare në vlerën prej pesëqind e shtatëdhjetë e nëntë mijë e treqind e dyzetë e pesë euro (579

345 00 euro) për mbulimin e shpenzimeve për nevojat emergjente për protezat e invalidëve të luftës së UÇK-së. Këto mjete do të shfrytëzohen vetëm për qëllime të specifikuar me kërkesën e Shoqatës së Invalidëve të Luftës së UÇK-së dhe shfrytëzimi i tyre do të përcillet nga komisioni në këtë përbërje: përfaqësues nga Ministria e Punës dhe Mirëqenies Sociale - kryesues; përfaqësues nga Ministria e Shëndetësisë - anëtar; drejtori i Zyrës për Çështje të Kategorive të

Dala nga Lufta e UÇK-së - anëtar, dhe përfaqësues nga Shoqata e Invalidëve e Luftës së UÇK-së - anëtar.

Në njoftim është thënë se komisioni do ta monitorojë shpenzimin e mjeteve të ndara dhe do ta përgatisë raportin e detajuar për qeverinë. Gjithashtu, vendimi qeveritar ka rekomanduar që institucionet të ofrojnë zgjidhje të përhershme për invalidët e luftës së UÇK-së në pajtim me vendimin e Qeverisë së Republikës së Kosovës të datës 3 shkurt 2021.



Kryediplomatja shqiptare i kërkon Sllovakisë hapjen e një zyre ndërlidhëse për Kosovën në Bratislavë

TIRANË, 10 SHKURT (ER) - Ministrja e Punëve të Jashtme e Republikës së Shqipërisë, Olta Xhaçka, e ka prituri të mërkurën në Tiranë homologun sllovak Ivan Korcok, me të cilin kanë diskutuar edhe për procesin e dialogut në mes të Kosovës dhe Serbisë. Xhaçka ka thënë se i ka

kërkuar ministrit të Jashtëm të Sllovakisë që të hapë një zyrë ndërlidhëse për Kosovën në Bratislavë si sinjal pozitiv për përkrahje të procesit të vështirë të negociatave në mes të Prishtinës dhe Beogradit. “I propozova kolegut tim që të hapë një zyrë ndërlidhëse të

Republikës së Kosovës në Bratislavë, si një shenjë pozitive për mbështetje të procesit të vështirë të dialogut Kosovë - Serbi”, ka shkruar Xhaçka në llogarinë e vet në “Twitter”. Sllovakia është një prej pesë shteteve të BE-së që vazhdon të mos e njohë Kosovën shtet.



Ligji për mbrojtjen e sinjalizuesve së shpejti do të procedohet për miratim në qeveri

PRISHTINË, 10 SHKURT (ER) - Ministri në detyrë i Drejtësisë, Selim Selimi, ka bërë me dije se Ligji për mbrojtjen e sinjalizuesve shumë shpejt do të procedohet për miratim në Qeverinë e Kosovës. "I lumtur që draftregullorja për pranimin dhe trajtimin e rasteve të sinjalizimit shumë shpejt do të procedohet për miratim në qeveri. Kjo është edhe një prej mjeteve të

shumta për ta luftuar korrupsionin e nivelit të lartë nëpër institucione", ka shkruar Selimi në llogarinë e vet në "Facebook". Sipas Selimit, ky ligj do të mundësojë raportimin e çdo parregullsie apo shkeljeje për të cilën vihen zyrtarët në dijeni gjatë ushtrimit të detyrës. "Por, ligji si i vetëm nuk mund t'i përcaktojë të gjitha çështjet procedurale

dhe teknike. Risitë e këtij ligji do të mund të vihen në zbatim me miratimin e Rregullores për pranimin dhe trajtimin e rasteve të sinjalizimit, miratimi i së cilës avancon sundimin e ligjit, përaftron legjislacionin vendor me atë të BE-së dhe kompletin infrastrukturën ligjore për trajtimin e rasteve të sinjalizimit" ka shkruar Selimi.



Drejtimi euroatlantik i Kosovës dhe Malit të Zi, vendimtar për sigurinë në Ballkan

PRISHTINË, 10 SHKURT (ER) - Ministria në detyrë e Punëve të Jashtme dhe Diasporës, Meliza Haradinaj-Stublla, ka pritur në takim lamtumirës ambasadorin e Malit të Zi, Ferhat Dinosh, i cili është në përfundim të misionit të tij në Kosovë. Temë kryesore e bisedës ishte vazhdimi i bashkëpunimit të ngushtë midis dy vendeve, ku Haradinaj-Stublla ka theksuar se mbarëvajtja e drejtimit euroatlantik të Kosovës dhe Malit të Zi është vendimtare për sigurinë dhe stabilitetin në Ballkan. "Diskutuam për situatën aktuale politike e të

sigurisë në vend dhe rajon dhe për raportet bilaterale midis Republikës së Kosovës dhe Malit të Zi, duke theksuar rëndësinë e ruajtjes së marrëdhënieve dhe bashkëpunimit midis dy vendeve. Thelbësor në këtë aspekt është vazhdimi i projekteve të përbashkëta ndërkufitare dhe infrastrukturore siç është rruga Deçan-Plavë, që është potencial i zhvillimit ekonomik lokal dhe lidhjeve ndërkombëtare të rajonit", ka deklaruar ajo.

Kryediplomatja e Kosovës ka deklaruar se marrëdhëniet në



mes të Kosovës dhe Malit të Zi mbesin të mira falë edhe rolit të

komuniteteve tona në vendet respektive. "Është e


rëndësishme që të rifunksionalizojmë Qendrën Zhvillimore të Malit të Zi në Prishtinë, që të jetë në shërbim të të gjitha shoqatave të përfaqësimit të Malit të Zi në Kosovë dhe rritjes së bashkëpunimit të ndërsjellë. Në të njëjtën kohë, diskutuam për situatën në rajon. Potencova që Serbia duhet t'i dëgjojë thirrjet e përsëritura të Uashingtonit për njohje reciproke, për t'i dhënë paqen e qëndrueshme rajonit dhe për të nisur një kapitull të ri të fqinjësisë së mirë - me të gjithë, përfshirë Malin e Zi dhe Bosnjën", ka deklaruar Haradinaj-Stublla.

Studentët e AAB-së marrin pjesë në garën e Universitetit të Harvardit

Ekipi pjesëmarrës i AAB-së në përbërje të studentëve Lirie Hoti, Enxhi Ballata, Leandrit Lljunji e Dafina Ukaj e nën udhëheqjen e profesorëve Egzonis Hajdari e Skender Gojani, janë përzgjedhur përmes një konkursi publik, pas procedurave të testimit dhe intervistimit të aplikantëve për këtë garë", ka njoftuar AAB-ja

PRISHTINË, 10 SHKURT - Ekipi i studentëve i Fakultetit Juridik të Kolegjit AAB do të marrë pjesë për herë të parë në edicionin e 67-të të Konferencës Ndërkombëtare të Studentëve në Harvard National Model United

Nations (HNMUN), që organizohet nga Universiteti i Harvardit. "Ekipi i studentëve i Fakultetit Juridik i Kolegjit AAB do të marrë pjesë për herë të parë, duke qenë përfaqësuesit e vetëm të Kosovës në këtë garë prestigjioze, bazuar në



listimin zyrtar të pjesëmarrësve. Ekipi pjesëmarrës i AAB-së në

përbërje të studentëve Lirie Hoti, Enxhi Ballata, Leandrit

Lljunji e Dafina Ukaj e nën udhëheqjen e profesorëve Egzonis Hajdari e Skender Gojani, janë përzgjedhur përmes një konkursi publik, pas procedurave të testimit dhe intervistimit të aplikantëve për këtë garë", ka njoftuar AAB-ja. Sipas këtij njoftimi, në edicionin e sivjetmë të garës HNMUN do të marrin pjesë mbi 1 000 delegatë nga 32 shtete të botës, ndërsa gara do të konsistojë në diskutimin e çështjeve të rëndësishme të veçantë në botë dhe gjetjen e zgjidhjeve të ekuilibruara dhe të integruara për to.

Kurti: Arben Xheladini dhe Mon Balaj janë dëshmorë të vullnetit të popullit për liri

PRISHTINË, 10 SHKURT (ER) - Kryetari i Lëvizjes Vetëvendosje, Albin Kurti, ka bërë homazhe te varri i Mon Balajt dhe Arben Xheladinit në 14-vjetorin e protestës së përgjakshme të 10 shkurtit, ku patën vdekur dy aktivistët e kësaj lëvizjeje. Kurti, i shoqëruar nga bashkëshortja, anëtarët e partisë, aktivistët dhe familjarët e Xheladinit,

fillimisht bënë homazhe në Podujevë të varri i Mon Balajt, e më pas te varri i Arben Xheladinit në Prishtinë. Me këtë rast, Kurti ka thënë se Moni dhe Arbeni janë dëshmorë të vullnetit të popullit për liri. "Pas homazheve në Besianë të Moni, në erdhëm këtu te varri i Arbenit që, po ashtu, të bëjmë homazhe dhe të vendosim lule të freskëta.

Arbeni dhe Moni janë dëshmorë të vullnetit të popullit për liri, i cili është i pandalshëm pavarësisht prej pengesave dhe vështirësive. Besnikëria e LV-së ndaj asaj demonstrate dhe këtyre dëshmorëve është thellë në organizatën tonë, në mendjen dhe zemrën e secilit aktivist", ka thënë Kurti.



Aktivitetet e partive politike në kuadër të fushatës së zgjedhjeve të 14 shkurtit

Kurti: Më 14 shkurt do të vendosim për qeverisjen e re

Lideri i Lëvizjes Vetëvendosje dhe kandidati për kryeministër, Albin Kurti, është shoqëruar sërisht nga bashkëshortja e tij, Rita Augestad Knudsen, gjatë një tubimi të mbajtur në Prizren. Bashkëshortja e ka shoqëruar Kurtin në tubime edhe gjatë ditës së martë. Kurti në Prizren ka thënë se më 14 shkurt do të ndodhë ndryshimi i cili nuk do të diskriminojë askënd. "Pranvera po vjen me nxitim. Falënderojmë qytetarët që po na bashkohen në ecjen tonë. Më 14 shkurt do të vendosim për qeverisjen e re që nuk diskriminon askënd", ka thënë Kurti. Në Prizren ka qenë e pranishme edhe kandidatja për presidente nga radhët e Vetëvendosjes, Vjosa Osmani. Pas Prizrenit, Lëvizja Vetëvendosje ka mbajtur tubim elektorale edhe në Klinë.

Hoti: Shumica absolute e do Kosovën në NATO dhe jo me shami të kuqe të orientuar kah Lindja

Kandidati për kryeministër nga LDK-ja, Avdullah Hoti, në tubimin e sotëm në Viti ka thënë se "Zoti e ka bo verë", duke u shprehur i bindur në fitore. "Prej sot mbetet veç me e shpall që zgjedhjet janë të kryera më 14 shkurt dhe ne duhet të festojmë

nuk janë zgjedhje të thjeshta për të formuar një shumicë parlamentare. Janë zgjedhje për ta ruajtur orientimin properëndimor të shtetit të Kosovës. Unë besoj se do të fitojmë, sepse shumica absolute e njerëzve në Kosovë e do Kosovën në BE dhe NATO sesa që e do Kosovën me shami të kuqe dhe të orientuar kah Lindja", ka thënë Hoti.

Hoxhaj merr mbështetje në garën për kryeministër nga zyrtari i lartë i Pakistanit

Mushahid Hussain Syed, kryetar i Komitetit për Punë të Jashtme të Senatit të Pakistanit, i ka dhënë mbështetje Enver Hoxhajt të PDK-së në garën për kryeministër të Kosovës. Ai e ka quajtur Hoxhajn burrështetas i madh të Ballkanit. "Ai (Enver Hoxhaj) është një mirëpritës i ngrohtë. Ai është burrështetas për të ardhmen, për Kosovën dhe popullin e saj, për Ballkanin dhe se si ky rajon dhe shteti i tij mund të bashkëveprojë me komunitetin ndërkombëtar, në një botë gjithnjë në lëvizje. Kosova ka nevojë për një udhëheqje të re, për një lidhshmëri të dëshmuar, që është i testuar, e cila është e parapërcaktuar për



Haradinaj: Më 14 është referendumi për AAK-në dhe Kosovën në NATO

Kryetari i Aleancës për Ardhmërinë e Kosovës (AAK) dhe kandidati për president, Ramush Haradinaj, ka mbajtur një tubim parazgjedhor në vendlindjen e tij, Deçan. Gjatë fjalimit të tij, Haradinaj ka prezantuar programin e AAK-së për ekonominë, duke u bërë thirrje mërgimtarëve të investojnë në Kosovë për shkak të rënies nga pandemia. "Ne kemi përgatitur një plan. Ta konsolidojmë sigurinë, shtetin ligjor që garant që nuk rrezikohet as nga brenda, por as prej jashtë e që nuk bëhen eksperimente në këtë shtet. Në shtet kërkohen njerëz seriozë, për këtë e kemi marrë përsipër,

siguria rendi dhe ligji, e në Kosovë kemi me bo shtet të sigurt, por mos me pas mundësi askush me rreziku. Kemi plot kategori që nuk janë mjaftueshëm në pozitë, do të kujdesem për të gjitha kategoritë", ka thënë Haradinaj. Më tutje, Haradinaj para deçanasve ka thënë se më 14 shkurt mbahet "referendumi" për AAK-në dhe për anëtarësimin e Kosovës në NATO. "Kemi rritje në krejt komunat e Kosovës. Si president i Kosovës ju siguroj se do t'ju nderoj me punë, në Deçan e Dukagjin dhe në gjithë Kosovën. Ju siguroj se do ta nderoj sakrificën për liri dhe do ta nderojmë ndihmën e aleatëve tanë. Më 14 është referendumi për Aleancën, për Kosovën në NATO", është shprehur Haradinaj.

Limaj zotohet se do ta nxjerrin ligjin për t'i sanksionuar ata që mohojnë gjenocidin serb në Kosovë

Kryetari i Nismës Socialdemokrate, Fatmir Limaj, ka thënë se kjo parti, me kauzën e saj për mbrojtjen e vlerave kombëtare, zotohet para qytetarëve të Kosovës se një nga veprimet e para që do t'i ndërmarrë do të jetë nxjerrja e Ligjit për dënimin e të gjithë atyre që mohojnë gjenocidin serb të shkaktuar në Kosovë. Në një video mesazh drejtuar qytetarëve, Limaj ka thënë se kjo është gjëja më e vogël që mund të bëjë për viktimat e terrorit dhe gjenocidit serb që ka ushtruar në Kosovë ndaj qytetarëve të pafajshëm, fëmijëve, grave dhe pleqve. "Të gjithë ata që gënjejnë dhe tentojnë ta devijojnë historinë e dhimbshme, tragjike, por edhe krenare të Kosovës, duhet të sanksionohen me ligj, prandaj një nga iniciativat e para do të jetë nxjerrja e ligjit kundër të gjithë atyre që mohojnë gjenocidin dhe masakrat që ka shkaktuar Serbia në Kosovë", ka thënë Limaj.



nga sot. Kudo që po shkojmë nëpër komuna Zoti e ka bo verë, edhe sot është ditë e mrekullueshme në Viti. Unë jam i bindur që të dielën do të festojmë, sepse kudo nëpër komuna ku shkojmë dhe sa herë bisedojmë me grupe të ndryshme të qytetarëve jam i bindur që shumica e qytetarëve në Kosovë e duan demokracinë dhe jo njerëz që duan ta kthejnë vendin prapa në autokraci. Jam i bindur se si në Viti, edhe gjithkund në Kosovë, ka më shumë njerëz të arsyeshëm që kemi punuar tash e 30 vjet për të orientuar këtë vend nga e ka destinimin e fundit - anëtar i BE-së dhe NATO-s, aty ku ka qenë vizioni i presidentit Ibrahim Rugova", ka thënë Hoti.

Më tutje, duke e thubuar Vetëvendosjen, Hoti ka thënë se zgjedhjet e të dielës janë zgjedhje që e përcaktojnë orientimin e Kosovës. "Zgjedhjet e të dielës

një energji të re dhe vizion të ri, që e ngrit Kosovën krahas vendeve të shekullit 21. Dhe Enver Hoxhaj e ka këtë kalibër dhe cilësinë e udhëheqjes", ka thënë Mushahid Hussain Syed. Ndërsa Enver Hoxhaj e ka falënderuar zyrtarin pakistanez për mbështetjen e tij për zgjedhjet e 14 shkurtit. "Faleminderit për mbështetjen mikut tim të hershëm dhe të Kosovës, Mushahid Hussain Syed, kryetar i Komitetit për Punë të Jashtme të Senatit Pakistanez. Jam krenar për marrëdhëniet miqësore që kam pasur nderin t'i ndërtoj për Kosovën gjatë karrierës sime në politikë të jashtme", ka thënë Hoxhaj.

Pakistani është një ndër vendet e para që e ka njohur pavarësinë e Kosovës. Krahas kësaj mbështetjeje, Hoxhaj ka mbajtur tubime elektorale në Drenas, Skenderaj dhe Fushë-Kosovë.

Shqipe Mehmeti Selimi: Më 14 shkurt, rinia, gratë dhe vajzat tona do ta vulosin fitoren e LV-së

PRISHTINË, 10 SHKURT (ER) - Kandidatja për deputete nga radhët e Lëvizjes Vetëvendosje, Shqipe Mehmeti-Selimi, ka takuar banorët e disa lagjeve të Prishtinës në kuadër të fushatës elektorale për zgjedhjet e 14 shkurtit. Ajo ka shprehur bindjen se më 14 shkurt do të vuloset fitorja e Lëvizjes Vetëvendosje.

"Prishtina! 'Kalabri', 'Kodra e Diellit' e 'Sofali'. Aktivistët e vullnetarët e Lëvizjes Vetëvendosje janë motori i organizimit të fushatës zgjedhore. Falë tyre tubimet tona janë të shumta, ndërsa neve na mbushin vullnet për të vazhduar para. Rinia, gratë e vajzat tona, këtë të diel do ta vulosin dashurinë për vendin, duke votuar 127-n", ka shkruar Mehmeti-Selimi në llogarinë e vet në "Facebook".

Shqipe Mehmeti-Selimi është bashkëshortja e Rexhep Selimit i cili gjendet në paraburgim në Gjykatën Speciale në Hagë. Ajo në listën e Vetëvendosjes për deputete mban numrin 10, të cilin dikur e mbante bashkëshorti i saj.



#krejtdhedrejt

Kosova ka dështuar në diplomacinë ekonomike

Ministria e Punëve të Jashtme ka dështuar në diplomacinë ekonomike, përkatësisht në emërimin e atashëve ekonomikë të cilët do të lobonin për zhvillimin e ekonomisë së Kosovës, për tërheqjen e investitorëve të huaja, si dhe për krijimin e marrëdhënieve ekonomike me shtetet e zhvilluara. Kështu kanë thënë për gazetën “Epoka e re” ekspertë të fushës së ekonomisë, por edhe përfaqësues të bizneseve. Bashkëpunëtori i lartë për hulumtime në Institutin “Riinvest”, Pëllumb Çollaku, ka thënë se mungesa e atashëve ekonomikë vjen për shkak të mospërvojës diplomatike të Kosovës. Ndërsa drejtori ekzekutiv i Odës Ekonomike Amerikane, Arian Zeka, ka thënë për gazetën “Epoka e re” se shteti i Kosovës ka dështuar në diplomacinë ekonomike për shkak të mosemërimit të atashëve ekonomikë në misionet diplomatike



EPOKA E RE Albulena S. MAVRAJ

PRISHTINË, 10 SHKURT - Mungesa e atashëve ekonomikë në ambasadat dhe konsullatat e Republikës së Kosovës, në Evropë dhe në botë, është duke u vlerësuar nga ekspertët e ekonomisë dhe përfaqësuesit e bizneseve vendore dhe ndërkombëtare si dështim i diplomacisë ekonomike të Kosovës.

Ekspertë e ekonomisë, por edhe përfaqësuesit e bizneseve vendore dhe ndërkombëtare, kanë thënë për gazetën “Epoka e re” se atashetë ekonomikë të cilët do të lobonin nëpër botë për përparësitë krahasuese të Kosovës dhe që do të mundësonin më pas tërheqjen e investimeve të huaja, do të duhej të ishin prioritet i Ministrisë së Punëve të Jashtme. Sipas tyre, kjo mungesë është një ndër faktorët kryesorë të mungesës së investimeve të huaja. Lidhur me këtë çështje “Epoka e re” ka provuar të marrë përgjigje edhe nga Ministria e Punëve të Jashtme e Kosovës, e cila aktualisht është nën udhëheqjen e Meliza Haradinaj Stublla, por të njëjtit nuk kanë kthyer përgjigje.

Ndërsa sipas Ligjit nr. 03/L-044 për Ministrinë e Punëve të Jashtme (MPJ) dhe shërbimin e jashtëm dhe shërbimin diplomatik të Republikës së Kosovës, neni 2, pika 7.2, MPJ-ja, pas marrjes së pëlqimit nga qeveria, ia dërgon emrin e kandidatit për ambasador ose shef misioni në besim, Komisionit për Punë të Jashtme të Kuvendit të Republikës së Kosovës. Para se të kërkojë pëlqimin nga qeveria, Ministria e Punëve të Jashtme sigurohet se kandidati i plotëson kriteret e përcaktuara në paragrafin 1 të nenit 6 të këtij ligji. Bashkëpunëtori i lartë për hulumtime në Institutin “Riinvest”, Pëllumb Çollaku, ka thënë se

mungesa e atashëve ekonomikë vjen si pasojë e mospërvojës diplomatike të Kosovës. Përveç të tjerash, sipas tij, kjo mungesë dëshmon debalancën e lartë tregtare. “Si një vend i ri, mungesa e atashëve ekonomikë është reflektim i mungesës së përvojës së vendit në rrafshin diplomatik. Zakonisht, një nga qëllimet kryesore të diplomacisë është të sigurojë marrëveshje dhe aranzhmane përfituese, njëkohësisht ta mbrojë interesin ekonomik të vendit, e që njihet si diplomaci ekonomike. Nga këtu, mungesa e saj veç po reflektohet në pasojat për vendin që lehtë shihet me thellimin e bilancit negativ tregtar me vendet e tjera. Mungesa e dinamikës së lehtësimeve të vazhdueshme për eksportet e Kosovës në tregjet e vendeve ku kemi përfaqësitë tona diplomatike, dhe ajo e politikave me efekte të limituara për joshjen e investitorëve të jashtëm nga vendet pritëse për në vendin amë (që do ta rriste edhe fuqinë prodhuese të vendit), kanë kontribuar dukshëm në këtë bilanc negativ”, ka thënë Çollaku për gazetën “Epoka e re”.

Sipas Çollakut, me fuqizimin e diplomacisë ekonomike Kosova mund të përfitojë në shumë fusha, e sidomos atë të tërheqjes së investimeve të huaja. “Me fuqizimin e diplomacisë ekonomike përmes atashëve ekonomikë mund të bëhej më shumë në rrafshin e marrëdhënieve ekonomike në nivelet qeveritare mes vendeve. Sidomos, mund të fillohej të dinamizohej procesi nga nevojat bazike, siç janë ato të mbledhjes, përpunimit dhe ofrimit të informacioneve dhe infrastrukturës përkatëse për palët e interesuara. Këto të fundit janë shumë të rëndësishme për parashikimin e trendeve

ekonomikë mes vendeve dhe të ndihmojnë në konsolidimin e politikave të suksesshme strategjike për joshjen e investimeve të jashtme direkte brenda në vend, si dhe për ndërtimin e urave në mes të bizneseve në kuadër të zinxhirëve specifikë të vlerës”, ka thënë ai. Meqenëse strategjia e deritashme e Kosovës nuk është treguar e efikasë atëherë, sipas profesorit të ekonomisë, Pëllumb Çollaku, është më se i nevojshëm emërimi i atashëve ekonomikë. Përveç nevojës së emërimit, sipas tij, është e domosdoshme që atashetë ekonomikë të jenë ekspertë të ekonomisë dhe mos të politizohet me ta. “Meqë në rrafshin e joshjes së investimeve të jashtme direkte dhe jo vetëm, strategjia e deritashme ‘one size fits all’ është dëshmuar dukshëm e limituar, duket si nevojë rishikimi i emërimit të atashëve ekonomikë, veçse të emëruarit duhet të jenë specialistë të dëshmuar të çështjeve të ekonomisë me ekspertizë përkatëse. Kjo është shumë e nevojshme për funksionim më të mirë dhe për identifikim të suksesshëm të mundësive që burojnë nga konstalacioni i komplikuar i ekonomisë botërore”, ka thënë Çollaku, duke rekomanduar kështu edhe mënyrën se si do të duhej të funksionin atashetë ekonomikë. “Për një rezultat më të mirë mendoj që ata duhej të lidhen me ministrinë e linjës përkatëse, p. sh., Ministrinë e Tregtisë dhe

Industrië, Zhvillimit Ekonomik etj. Me inputet dhe informatat e tyre ata do të ndihmonin dukshëm për formulimin e politikës së jashtme, në marrëveshjet ndërkombëtare dhe promovimin e prodhimeve të Kosovës në tregjet e huaja dhe për rritjen e prodhuesve vendorë. Kjo do të bëhej e mundshme përmes dinamizmit të takimeve me biznesmenë nga vendi amë dhe pritës, me pjesëmarrje në panairë, konferenca, ekspozita tregtare etj”, ka deklaruar ai.

Më tutje, Çollaku ka përmendur një varg përfitimesh që do të mund t’i sillnin Kosovës atashetë ekonomikë. “Në përgjithësi, ata mund të kontribuonin në fusha si: çështjet financiare, bankare, tregtare, projekte të zhvillimit ekonomik, zhvillim komunikimi dhe transport, në projekte dhe çështje mjedisore, shkencore dhe teknologjike”, ka thënë ai. Kurse sa i përket rrjetëzimit potencial të atashëve ekonomikë, Çollaku ka përmendur shtetet të cilat potencialisht do të ishin urë lidhëse në mes të investitorëve të huaj dhe Kosovës. “Vendet e dëshmuara me ‘know-how’ dhe pozicion të rëndësishëm në zinxhirët e vlerës dhe potenciali i investimeve si: Gjermania, Zvicra, Austria, Franca, Italia, Holanda, Izraeli, Japonia, Mbretëria e Bashkuar dhe ShBA-të (e sidomos tri të parat shkaku i mundësisë për rrjetëzim më të lehtë përmes bashkatdhetarëve tanë në këto vende) duhet të jenë gjithmonë

interes primar i Kosovës në mënyrë që t’i sigurojnë qeverisë së Kosovës informacione ekonomike dhe analiza të zhvillimeve ekonomike në vendet pritëse, që më pas do të përktheheshin në projekte konkrete inventive në Kosovë”, ka thënë Çollaku.

Ujkani: Diplomacia ekonomike duhet të jetë prioritet

Drejtori ekzekutiv i Këshillit të Investitorëve Evropianë (KIE), Emrush Ujkani, ka thënë për gazetën “Epoka e re” se është për keqardhje që shteti i Kosovës e ka nëpërkëmbur diplomacinë ekonomike, duke mos emëruar atashetë ekonomikë. “Sa i përket diplomacisë ekonomike të Kosovës, është për të ardhur keq se si nuk është përfillur nga shteti ynë kjo çështje. Prandaj, nuk ka asnjë veprimtari biznesore nga misionet diplomatike dhe diplomacia politike është zero sa i përket punës që do të duhej ta bënte në këtë drejtim”, ka thënë Ujkani.

Ai ka përmendur edhe fokuset ekonomike që do të duhej të dominonin në diplomacinë ekonomike. Sipas tij, planet ekonomike janë të kota nëse Kosova nuk ka një diplomaci të zhvilluar ekonomike. “Në aspektin ekonomik, diplomacia jonë duhet të zhvillohet më tepër dhe të kemi atashë ekonomikë, në mënyrë që ta kemi një qasje më korrekte. Planet ekonomike mund të

gjykohe të jenë të mira ose jo, por nëse s'e kemi një diplomaci më të zhvilluar ekonomike, përpjekjet janë të kota. Prandaj, diplomacia ekonomike nga ligjvënësit në Kosovë duhet të jetë prioritet në mënyrë që të na lehtësohen mundësitë e tërheqjes



së investimeve të huaja. Është momenti i fundit kur duhet të merret vendim për këtë çështje dhe assesi mos të neglizhohet", është shprehur Ujkani.

Ndërsa drejtori ekzekutiv i Odës Ekonomike Amerikane, Arian Zeka, ka thënë për gazetën "Epoka e re" se shteti i Kosovës ka dështuar në diplomacinë ekonomike për shkak të mosemërimit të atashëve ekonomikë në misionet diplomatike. "Shteti i Kosovës ka dështuar tash e sa vite për fuqizimin e diplomacisë ekonomike, e kjo përfshin edhe mosemërimit të atashëve ekonomikë nëpër misionet diplomatike të Kosovës, të cilët do të promovonin para investitorëve të vendeve pritëse mundësitë e investimit në Kosovë, por edhe do të ndihmonin në promovimin e produkteve të Kosovës. Kjo ndikon në mosshfrytëzimin e një potenciali të madh i cili do të duhej të vihej në funksion të zhvillimit ekonomik të vendit", është shprehur Zeka.

Në lidhje me këtë çështje, kryetari i Shoqatës së Eksportuesve të Kosovës, Nexhat Hasani, ka thënë për gazetën "Epoka e re" se është për keqardhje sesi Kosova nuk ka emëruar deri më tani atashë ekonomikë. Sipas tij, në mungesës së atashëve ekonomikë, por edhe për shkak të pandemisë Covid-19, shumë prodhues të Kosovës i kanë humbur tregjet e tyre. "Është për keqardhje që nuk është bërë asgjë

nga diplomacia e Kosovës për emërimin e atashëve ekonomikë. Prandaj, është momenti i fundit kur duhet të ndodhë kjo. Mungesa e atashëve ekonomikë, të cilët do të ishin ura lidhëse në mes të tregut të Kosovës dhe vendeve me të cilat kemi bashkëpunim ekonomik, është mjaft sfiduese për gjetjen e tregjeve të reja për eksportuesit e Kosovës, pasi me anë të tyre do të ekspozoheshin përparësitë krahasuese të Kosovës dhe do të ishin dorë e zgjatur e ekonomisë së vendit", ka thënë Hasani, duke shtuar se kjo mungesë ka ndikuar edhe në humbje të tregjeve për eksportuesit e vendit. "Në sajë të pandemisë, por edhe të mungesës së atashëve, shumë eksportues kanë humbur tregjet e tyre", ka thënë ai. Sipas tij, atashetë ekonomikë medoemos duhet të emërohen në vendet ku Kosova ka bashkëpunim të mirë diplomatik. "Vendet kryesore, si Italia që ka më së shumti eksporte Kosova, pastaj Zvicra, Gjermania, Austria, pra këto shtete me të cilat Kosova ka raporte të mira edhe diplomatike, por edhe ekonomike dhe me ato shtete që ka importe", ka deklaruar Hasani, duke shtuar se trupat diplomatike të Kosovës deri më tani s'kanë bërë kurrfarë pune sa i përket diplomacisë ekonomike. "Trupat diplomatike që i ka Kosova nëpër botë, pra konsujt, deri më tani s'kanë bërë kurrfarë pune sa i përket diplomacisë ekonomike", ka deklaruar ai.

Në anën tjetër, njohësi i çështjeve ekonomike, Safet Gërzhaliu, ka thënë se është i domosdoshëm emërimi i atashëve ekonomikë. Sipas tij, diplomacia ekonomike dhe ajo politike kanë dështuar, sidomos me emërimet në baza politike e jo meritore. "Diplomacia, qoftë politike, ekonomike, kulturore apo ushtarake, është pasqyrë reale e një shteti dhe në këtë drejtim Kosova ka dështuar, pasi nuk ishte e orientuar në vlera, por në militantë partiakë për t'i pozicionuar këto vende. Ke sot diplomatë në vende të ndryshme që s'e njohin gjuhën dhe kulturën e atij vendi dhe si mund të këtë përfitime pozitive nga ta", ka thënë Gërzhaliu.

Ai ka thënë se është për keqardhje se si MPJ-ja nuk ka marrë hapa konkretë pasi, sipas tij, rëndësia e atashëve ekonomikë nuk është vetëm e aksit ekonomi, por edhe atij politik dhe psikologjik. "Është për keqardhje heshtja e Ministrisë së Punëve të Jashtme kur dihet se sa nota verbale e qeverive evropiane dhe më gjerë janë dërguar te MPJ-ja për pakënaqësinë me diplomacinë politike të Kosovës dhe me sjelljet jonjerëzore dhe njohuritë e tyre. Ky është degradim i madh që iu ka bërë Kosovës. Rëndësia e një atashëve ekonomik nuk është vetëm aspekti ekonomik, por edhe politik dhe psikologjik. Duhet të dish të mendosh dhe të komunikosh në aspektin gjeografik. Jeni duke e parë se vendet e BE-së dhe Ballkanit janë partnerë strategjikë dhe aty duhet të dërgohen njerëz që i meritojnë ato pozita", ka thënë Gërzhaliu.

INDEP-i: Subjektet politike po injorojnë të drejtat e konsumatorëve

PRISHTINË, 10 SHKURT (ER) - Programet e partive politike në prag të zgjedhjeve të 14 shkurtit nuk kanë paraparë mbrojtjen e të drejtave të konsumatorëve në prioritetet e tyre. Kjo neglizhencë e partive politike ndaj një grupi shoqëror që praktikisht reflekton të gjithë popullatën është shqetësuese dhe e papranueshme.

Instituti për Politika Zhvillimore (INDEP) dhe mbrojtësit e konsumatorëve u kanë bërë thirrje partive politike ta sqarojnë pozicionin e tyre karshi të drejtave të konsumatorëve dhe t'i reflektojnë nevojat e tyre në programet politike për të ardhmen. "Vetëm gjatë vitit 2020 në faqen e mbrojtësve të konsumatorëve kemi marrë mbi 200 ankesa nga qytetarët për shkelje të ndryshme gjatë blerjes së produkteve apo shërbimeve. Në hulumtimet që kemi bërë mbi zbatimin e Ligjit nr. 06/L-034 për mbrojtjen e konsumatorit ne kemi gjetur mangësi dhe kemi parë nevoja për avancim të legjislacionit në këtë fushë. Për më tepër, në sektorët si energjia, nafta, shitja me pakicë e produkteve etj.,



kemi parë hapësirë për përmirësim në proceset e menaxhimit të ankesave, aftësive të rregullatorëve për t'i monitoruar subjektet që ata rregullojnë dhe raportit që ndërtohet me konsumatorët", ka njoftuar INDEP-i, duke kritikuar partitë politike për qasjen ndaj konsumatorëve. "Për fat të keq, në zgjedhjet e sivjetme si konsumator nuk do të kemi rastin t'i krahasojmë programet politike, masat që janë paraparë për konsumatorët, afatet kohore, investimet dhe instrumentet e tjera politike. Kjo na privon që

të bëjmë zgjedhjen bazuar në program dhe të kërkojmë llogari për zbatimin e premtimeve të bëra", ka njoftuar INDEP-i.

Instituti INDEP u ka bërë thirrje partive politike që ta rishqyrtojnë qasjen e tanishme dhe të shpalosin ide dhe program konkret për t'i përmirësuar të drejtat e konsumatorëve. "U bëjmë thirrje qytetarëve që në tubimet politike të kërkojnë llogari nga politikanët që kërkojnë vota dhe ta ngrehin kauzën e konsumatorit", ka njoftuar INDEP-i.

Zyrtarët e organizatave buxhetore trajnohen për zbatimin e procedurave të financave publike

PRISHTINË, 10 SHKURT (ER) - Në vazhdim të ngritjes së njohurive të zyrtarëve të organizatave buxhetore për financat publike, Ministria e Financave, me mbështetjen e qeverisë gjermane, ka publikuar të mërkurën në uebfaqe video-trajnimin e radhës në kuadër të "e-mësimit për financat publike".

Nëpërmjet këtij video-materiali zyrtarët do të trajnohen për rëndësinë dhe zbatimin e Udhëzimit Administrativ 05/2019 për procedurat e transferimit dhe rialokimit të ndarjeve buxhetore. Po ashtu, trajnimi do të ndihmojë për vetëdijësimin e organizatave buxhetore për transparencën e procesit buxhetor, në përpunje

me Ligjin për menaxhimin e financave publike dhe përgjegjësitë.

Ky projekt do të vazhdojë edhe më tutje duke zhvilluar dhe prezantuar videotrajnimet e radhës, të cilat do të prezantojnë rëndësinë dhe zbatimin e udhëzimeve dhe normave të tjera ligjore për financat publike.



Mbahet trajnimi me të rinjtë e Komunës së Drenasit

DRENAS, 10 SHKURT (ER) - Drejtoria e Zhvillimit Ekonomik (DZHE) në Drenas, në bashkëpunim me Agjencinë për Zhvillim Rajonal Qendër (AZhR), kanë mbajtur trajnim për nxënësit, studentët dhe gjithë të interesuarit në kuadër të projektit "Trajnim profesional dhe angazhimi në punësim" me titull: "Trajnim për orientimin në karrierë/Trajnim për aftësi të buta" të organizuar nga Ministria e Punës dhe Mirëqenies Sociale.

Në këtë trajnim të gjithë të interesuarit kanë pasur mundësinë të trajnohen në mënyrë profesionale rreth orientimit në karrierë. Me këtë rast, drejtoresha e DZHE-së, Egzona Jetullahu, ka theksuar se përmes këtyre trajnimeve të rinjtë mund të përfitojnë shumë rreth orientimit në



karrierë dhe përgatitje për tregun e punës. "I gëzohem faktit që edhe këtë vit të rinjtë e komunës sonë përfituan nga ky aktivitet dhe tashmë janë të

trajnuar dhe kanë fituar një përgatitje shtesë për tregun e punës dhe shpresoj që edhe më tutje do të vazhdojë të rritet bashkëpunimi me

aktorët në fjalë duke krijuar kështu kushte më të mira për të rinjtë tanë", është shprehur Jetullahu. Po ashtu, të gjithë pjesëmarrësit janë certifikuar

për trajnimin e ndjekur, duke përfituar njohuri si t'i ngrehin kapacitetet e tyre në fushën e ndërmarrsisë dhe angazhimit në punësim.

Gjilani dhe YIHR-KS nënshkruajnë memorandum bashkëpunimi



GJILAN, 10 SHKURT (ER) - Kryetari i Komunës së Gjilanit, Lutfi Haziri, ka nënshkruar të mërkurën një memorandum bashkëpunimi me Youth Initiative for Human Rights - Kosovë (YIHR-KS), e cila përfaqësohet nga drejtoresha ekzekutive Marigona Shabiu.


Qëllimi i këtij memorandum është ta lehtësojë bashkëpunimin në mes të YIHR-KS dhe Komunës së Gjilanit në kuadër të fushëveprimit të organizatës që për qëllim ka t'i fuqizojë të rinjtë të kërkojnë drejtësi dhe të bëhen pjesëmarrës aktivë në sektorin e drejtësisë në

Kosovë si dhe ta rrisë qasjen në drejtësi në nivelin komunal. Në kuadër të këtij memorandum Komuna e Gjilanit do t'u mundësojë katër studentëve të mbajnë punë praktike tremujore në institucionin e saj në kuadër të projektit "Rritja e qasjes në drejtësi në nivel komunal".

Komuna e Podujevës shpall konkurs për ndarjen e bursave për nxënës dhe studentë

PODUJEVË, 10 SHKURT (ER) - Drejtoria e Arsimit në Komunën e Podujevës ka shpallur konkurs për ndarjen e bursave për nxënës dhe studentë të kësaj komune për vitin shkollor/akademik 2020/21. "Dokumentet dorëzohen në Qendrën e Shërbimit për Qytetarë në objektin e komunës - rruga 'Nuhi Gashi', në afat prej 15-ditësh nga dita e publikimit në tabelën e shpalljeve të objektit

të komunës, në mediat e shkruara dhe në uebfaqen e komunës", ka njoftuar Komuna e Podujevës. Kjo komunë ka bërë me dije se shumica e bursës do të caktohet varësisht nga buxheti që do të ketë kjo komunë. Po ashtu, Komuna e Podujevës ka shpallur thirrjen publike për mbështetje financiare të organizatave joqeveritare, për zbatimin e aktiviteteve kulturore, rinore, sportive në këtë komunë.



Komuna e Junikut pajiset me traktor për pastrimin e borës dhe fshirjen e rrugëve

JUNIK, 10 SHKURT (ER) - Komuna e Junikut, për shkak të performancës së mirë, në kuadër të projektit "Shërbime të qëndrueshme komunale", GIZ-i në bashkëpunim me Ministrinë e Ekonomisë dhe Ambientit, në raundin e parë të grantit të performancës (mjedisi i pastër) është shpërblyer, duke qenë përfituese e fondit në vlerë prej 45 mijë e 848 eurosh. Kryetari i Junikut, Agron Kuçi,

ka mirëpritur përfaqësueset nga GIZ-i, ku edhe është bërë pranimdorëzimi i traktorit për pastrimin e dëborës dhe fshirjes së rrugëve. Me këtë rast, Kuçi ka falënderuar GIZ-in për përkrahjen e vazhdueshme që është duke i ofruar Komunës së Junikut. Komuna e Junikut, sipas vlerësimit nga GIZ-i, që nga viti 2018 ka zero deponi ilegale si rezultat i angazhimit për "Junikun e pastër dhe ekologjik".



Kosova, kubëz e munguar në mozaikun politik të ndryshuar të Ballkanit, drejt të së majtës



Behxhet Sh. SHALA - BAJGORA

Gjeopolitika e korruptuar në Ballkan: Shtetet e Ballkanit deri vonë janë konsideruar si zona gri e Evropës, prandaj i janë dhe po u nënshtrohen eksperimenteve të ndryshme.

Vendimmarrja evropiane ka efekte zero pa koordinim dhe përkrahje amerikane. Evropa merr vendime, por ShBA-ja e bën noterizimin e këtyre vendimeve. Edhe amerikanët, ashtu edhe evropianët, janë pragmatikë për trajtimin e problemeve të Ballkanit, duke i anashkaluar parimet e korrektesisë dhe të drejtat, nëse janë në kundërshtim me interesat e vendimmarrësve të vërtetë. Të dyja palët, për realizimin e qëllimeve të tyre, janë në gjendje të bashkëpunojnë me "djallin dhe të birin" për t'i shtyrë para projektet e tyre. Deklarohen kundër krimit të organizuar, ndërsa mbështesin qeveritë puro kriminale për aq sa kanë nevojë e pastaj i hedhin, ose në burgje, ose në shportën e hedhurinave! Deklarohen kundër korrupsionit në kohën kur të gjitha privatizimet dhe tenderët qindra miliona eurosh i marrin për përfaqësuesit e shteteve nga vijnë, prapa të cilëve qëndrojnë politikanët të fuqishëm ndërkombëtarë. Deklarohen kundër krimit të organizuar, për drejtësi dhe kundër nepotizmit kur vetë ata janë, në hije, spiritus movens i këtyre dukurive. Deklarohen kundër pastrimit të parave kur këto vende i përdorin për pastrim të parave dhe i shndërrojnë në deponi të mjeteve radioaktive dhe materialeve me rrezikshmëri të lartë. Deklarohen kundër ekstremizmit politik dhe fetar kur këto dukuri fillimisht i përkrahin e pastaj i përdorin për diferencime dhe gjeografi politike. Deklarohen për respektim të vullnetit të popullit, ndërsa nuk lejojnë të bëhet rendi i ditës për mbledhje të institucioneve, që nga niveli i ulët e deri tek ai i lartë. Vetë marrin vendime për ofrim të qeverive të këtyre vendeve dhe vetë marrin vendime kur duhet të rrëzohen këto qeveri. Të shkojmë me radhë:

1. Serbia: Në momentin kur më nuk pati nevojë për Slllobodan Millosheviqin, bashkësia ndërkombëtare nxiti trazira dhe demonstrata në Serbi, duke e dërguar "kasapin e Ballkanit" në Hagë. E shfrytëzuan luftën e UÇPMB-së jo për të drejtat e shqiptarëve, por për ta lehtësuar rrëzimin e Millosheviqit. Pas kësaj e hoqën rripin e sigurisë prej 5 km

midis Kosovës dhe Serbisë duke ua lënë duart e lira xhandarëve dhe paramilitarëve të Serbisë të arrestojnë, vrasin dhe shpërngulin me dhunë shqiptarë të Luginës. Ia hoqën Serbisë embargon e furnizimit me armë duke kushtëzuar disa shtete që prodhojnë armë që një pjesë të armatimit ta blejnë nga Serbia. Në Kosovë ia lanë të gjitha mundësitë për të ndërhyrë në çështjet e brendshme e që prodhoi pasiguri të vazhdueshme. Ia liberalizuan vizat, pa e kushtëzuar me asgjë. Ia rehabilituan të kaluarën dhe të tashmen kriminale. Ndonëse e kanë të qartë se Aleksandër Vuçiqi ishte dhe është kriminel luftë, me përkrahjen që ia dhanë dhe po ia japin, ia forcuan autokracinë absolute sikur që i mbyllën sytë për zgjedhjet e manipuluar nga kriminel i luftës, Aleksandër Vuçiq. E lejuan që Serbia, përveç ndërhyrjes flagrante në Kosovë, të ndërhyjë edhe në Mal të Zi dhe Maqedoni të Veriut. Një kriminel të luftës e shndërruan në lojtarin numër 1 sikur dikur kur Slllobodan Millosheviqin e konsideronin si paqebërësin kryesor në Ballkan, "peace maker"!

2. Maqedonia e Veriut: Dikur përkrahnin Georgievskin, më vonë Nikolla Gruevskin kurse tani, për nevoja politike dhe strategjike, po e përkrahin Zaevin. Për ta luftuar Gruevskin dhe për ta forcuar Zaevin, e pajisën me dosje sekrete dhe përgjime që iu kishin bërë, kryesisht shqiptarëve e që pastaj, varësisht nga nevoja politike, eksplozonin si "bomba të Zaevit". Këto bomba për politikanët maqedonas e kishin efektin e pordhës, kurse për politikanët shqiptarë vërtet ishin bomba me të cilat e siguruan heshtjen dhe dëgjueshmërinë e tyre, kryesisht në dëm të shqiptarëve. Këto "bomba të Zaevit" nuk e zbardhën asnjë krim që u bë ndaj shqiptarëve dhe asnjë proces të montuar përveçse e blenë dëgjueshmërinë absolute të shqiptarëve që, për t'i ikur burgut, bën ç'kërkohej nga ta. Këto "bomba" ishin mjet shantazhi që do të dënoheshin në çdo shtet dhe me këto "bomba" shqiptarët (politikanët, kryesisht) shantazhohen edhe sot. Tash Zaevi është i paprekshëm në Maqedoninë e Veriut dhe do të jetë i tillë për aq kohë sa kanë nevojë për të, ata që marrin vendime. Maqedonisë së Veriut iu liberalizuan vizat, jo se i përmbushën kriteret e parapara, por se e kaluan provimin e dëgjueshmërisë dhe përshtatshmërisë politike.

3. Mali i Zi: Fillimisht e përkrahën Millo Gjukanoviqin i cili e jetësoi pavarësinë e vërtetë të Malit të Zi duke e nxjerrë nga ndikimi i Serbisë dhe Rusisë. Millo Gjukanoviqi e përligji identitetin malazias dhe e forcoi Malin e Zi

deri në kohën kur bashkësia ndërkombëtare e vlerësoi se nuk ka më nevojë për të dhe shërbimet e tij. Tash po e akuzojnë për korrupsion, nepotizëm dhe krim të organizuar në ndërkohë që, kur kishin nevojë për të, këto dukuri as që i vërenin. E lejuan që të rikthehet ndikimi i Serbisë dhe i Rusisë duke e bërë Kishën Ortodokse serbe partner të shtetit. Në zgjedhjet e fundit i përkrahën rrymat "reformiste" duke ia hapur varrin politik Millo Gjukanoviqit, identitetit malazias sikur edhe vetë shtetësisë së Malit të Zi. Një Dritan Abazoviq po e përdorin si shpatë për heqje të kokave të kundërshtarëve politikë. Si politikan që deklarohet se flet edhe gjuhën shqipe, këtë shpatë e përdori pikërisht për t'i prerë kokat e politikanëve shqiptarë në Mal të Zi. Bashkësia ndërkombëtare ia hoqi vizat Malit të Zi ndonëse ishte larg përmbushjes së kriterëve të kërkuara. Edhe atëherë Millo Gjukanoviqi ishte në pushtet, por se në atë kohë bashkësia ndërkombëtare kishte shumë nevojë për shërbimet e Millos, kurse tani ka nevojë për shërbimet e Krivokapiqit, Abazoviqit që po e përdorin si marionetë sikur edhe për ndikimin e Serbisë në Mal të Zi. Shqiptarët në Mal të Zi nuk janë asgjëkundi. Po të mos ishte Gjyste Vulaj, askush nuk do të dinte se në Mal të Zi ka shqiptarë!

4. Bosnja dhe Hercegovina: Bashkësia ndërkombëtare e ndau dhe e bëri shtet jofunksional Bosnjën dhe Hercegovinën. E lejoji që të bëhet Republika Serpska në Bosnje sikur një të korruptuar dhe bartës të të gjitha krimeve në Bosnje, Miroslav Dodikun, e bëri mbret. I ka bërë tri entitete territoriale, etnikisht të pastra që, nëse paraqitet nevoja, lehtësisht i bashkohen Serbisë dhe Kroacisë, kurse pjesën e mbetur e ndajnë si të duan. Tash, pasi që u kanë dalë probleme të tjera, kanë vendosur që ta dobësojnë pakëz Dodikun jo për ta larguar nga pushteti, por për ta bërë pak më të dëgjueshëm. Edhe Bosnja dhe Hercegovina, ndonëse ka qenë dhe është shtet më jofunksional se Kosova, pameritueshëm përfitoi nga liberalizimi i vizave dhe në proceset integruese.

5. Shqipëria: Bashkësia ndërkombëtare Shqipërinë e konsideron si shtet i korruptuar, vend të kanabisit, shpëlarjes së parave, prostitucionit dhe krimit të organizuar pa e pranuar se pikërisht bashkësia ndërkombëtare ka luajtur rolin vendimtar për të gjitha këto dukuri. Edhe Shqipëria përfitoi nga liberalizimi i vizave, ndonëse heqjen e liberalizimit të vizave ia mbajnë mbi kokë, për të siguruar dëgjueshmëri politike. Bashkësia ndërkombëtare Shqipërinë e përdorë më shumë për të bërë presion mbi politikanët kosovarë



se që duan që Shqipëria të jetë pjesë e zgjidhjes së problemeve. Në Shqipëri në pushtet është Edi Rama dhe pas zgjedhjeve të ardhshme përsëri do të jetë Edi Rama. Për aq kohë sa do të ketë nevojë bashkësia ndërkombëtare për të.

6. Kosova: Nuk ka shtet që është dhunuar më shumë se Kosova nga bashkësia ndërkombëtare. Eksperimentet më të fëlliqura janë bërë në Kosovë, kinse jemi shtet, kurse vendimet i marrin ndërkombëtarët. Nuk ka qeveri që është formuar pas luftës ku nuk kanë ndikuar ndërkombëtarët. Nuk ka qeveri që është rrëzuar në Kosovë e që nuk ishin si mami ndërkombëtarët! Deri vonë pushtetin absolut në marrje të vendimeve e kishin ndërkombëtarët, kurse përgjegjësia iu adresojë vendorëve. Sikur edhe në shtetet e tjera të Ballkanit, ndërkombëtarët ndikuan në mënyrën e qeverisjes dhe garniturën qeverisëse për faktin se i njihnin mirë ata që "qeverisën", por se tërë kohën për aq kohë sa kishin nevojë bashkëpunuar me ta. Ndërkombëtarët e lejuan dhe po e lejojnë Serbinë të bëjë ç'të dojë në Kosovë. E imponuan decentralizimin në baza etnike, demarkacionin, Asociacioni e Serbisë në Kosovë dhe marrëveshje të tjera për të cilat as që është pyetur Kosova. Vetëm Kosovës nuk ia lejuan lëvizjen e lirë në Kosovë duke e futur në rrugë qorre. Vazhdimisht kërkonin kriterë të reja duke e fshehur faktin se kriteri kryesor është marrëveshja me Serbinë. E ndan Mitrovicën në dy qytete, 15 vjet pas përfundimit të luftës. Krimet e luftës po i trajtojnë duke arrestuar dhe dënua shqiptarë në 90 për qind të rasteve. Për të prodhuar sa më shumë pasoja politike, arrestuan ish-krerët e UÇK-së dhe udhëheqësit më të lartë të institucioneve të vendit: Hashim Thaçin, Kadri Veselin, Jakup Krasniqin, Rexhep Selimin, Salih Mustafën, Nasim Haradinajn dhe Hysni Gucatin, të cilëve, edhe si të arrestuar, në mënyrë flagrante po ua shkelin të drejtat e njeriut. Me arrestimin e tyre duan ta ndërtojnë një gjeografi dhe arkitekturë të re politike që do ta përdorin për qëllime dhe nevoja politike. Atë që deri dje e ndoqën, e dhunuan, e burgosën si policia e UNMIK-ut, ajo e EULESH-it, një pjesë e Policisë së Kosovës, politika vendore dhe sidomos ajo ndërkombëtare, Albin Kurtin tani duan ta promovojnë duke e rikthyer nëpër dyer të mëdha dhe të arta, për aq kohë sa kanë nevojë për të. Me arrestimin politik të të burgosurve që janë grabitur dhe dërguar në Hagë, po u hapin rrugë të gjithë atyre që kanë vlerësuar se kanë nevojë për ta në arritjen e marrëveshjes me Serbinë. Nëse iu

del ashtu! Nëse jo, e provojnë me një garniturë tjetër nga menzja e sajuar nga ndërkombëtarët. Kosovës nuk po i hapin rrugë sikur shteteve të tjera që ua kanë njohur lëvizjen e lirë. Kosovën po e fusin në krizë për ta lehtësuar arritjen e marrëveshjes me Serbinë, si kusht për përkrahje. Do të bindeni, shumë shpejt!

Ballkani i rreshtuar në të majtë: Është një tendencë që shtetet e Ballkanit të radhiten në të majtën, në emër të një socialdemokracie të rrejshme. Në Serbi, në pushtet është regjimi çetnik i Vuçiqit i cili përdorë politika sociale (të majta) për ta mbajtur pushtetin. Në Mal të Zi majtistët erdhën në pushtet, por që përdorin politika të djathta dhe kishin të mbesin në pushtet. Në Bosnje dhe Hercegovinë nuk dihet çka është e majtë apo e djathtë, por se oligarkët e mbajnë pushtetin. Në Shqipëri e majta është në pushtet, thirrret në drejtësi sociale, kurse ka më shumë milionerë se në shumë vende kapitaliste. Në Maqedoninë e Veriut, Zaevi është i majtë, por se xhirologarinë e ka puro kapitaliste (djathtiste) sikur edhe pjesa më e madhe e atyre me të cilët bashkëqeveriste.

Në Kosovë LV-ja që llogaritet favorite kryesore për fitore në zgjedhjet e 14 shkurtit, llogaritet si e majtë, kurse lista e propozuar për deputetë përmban milionerë, djathtistë, anarkistë, "nacionalistë", hajdutë të fondeve, mashtrues, ish-titistë, blerës të shërbimeve seksuale dhe, maja e të gjithë këtyre është "Hasan Prishtina" i Mitrovicës. Nëse deri dje LV-ja ishte e majtë, e themi të vërtetën. Nëse deri dje flisnim për idealizmin e këtij mish-leshi politik, kishte një kuptim. Sot nuk ka asnjë kuptim. Nëse deri dje LV-në e konsideronim si strehë për idealistë të bashkimit kombëtar, sot lirisht mund ta konsiderojmë si strehë të horrave që kanë manipuluar me këtë ideal. Mirëpo, kjo LV sot iu duhet shumë ndërkombëtarëve, prandaj po e përkrahin si mekanizëm për ta luftuar korrupsionin, nga të pakorruptuarit. Unë votën time nuk ia jap askujt sepse nuk e meritojnë. Uroj që ta kem shumë gabim dhe, nëse vërtet do ta kem gabim, do t'u kërkoj falje deri te Zoti. Mirëpo, i njoh që nga koha kur ishin embrion politikë, shumë mund kam bërë për ta! Nuk është kjo LV-ja që e kam përkrahur kur të gjithë e kanë sharë dhe sulmuar e që tani janë në listën për deputetë të trajtuar si shumë të nderuar. Kushdo që më tregon se Albini e ka përmendur Bacën Adem Demaçi do ta qeras një kafe, për fillim. Nëse nuk e përmend fare, do t'i qeras dy kafe. Definitivisht nuk është kjo LV-ja që e ka përkrahur Baca Adem Demaçi. Aty janë pakicë që e njohin Bacën, kurse një numër jo i vogël janë urryes të Bacës e që janë shumë afër Albinit.



JOE BIDEN LETER HISTORIKE PËR KOSOVËN DERGUAR SERBISË



Ismet SYLEJMANI

Presidenti i SHBA-së Joe Biden, pas inaugurimit historik të Tij President i 46-të, i ka nisur një letër

historike Serbisë dhe presidentit të sajë Aleksandër Vučić!

Shefi i Shtëpisë së Bardhë, miku i madh i Kosovës dhe i popullit shqiptar, i ka kërkuar Serbisë dhe presidentit të sajë antishqiptar Vučić, ta pranojë dhe ta njohë Republikën e Kosovës, shtet të pavarur dhe sovran!

Kjo letër për Serbinë dhe për kreun e sajë Vučić, dërguar nga ana e Presidentit të

SHBA-së Biden, është ngjarje e madhe për Kosovën dhe për popullin shqiptarë e për historinë e lavdishme të truallit tonë!

Ky dokument nga Amerika, do të mbetet një ngjarje e madhe e shkruar për historinë e re të Kosovës, dhe do të shënohet me shkronja të arta në analet i historisë botërore! Lufta heroike dhe titanike e popullit shqiptar, gjaku i derdhur për liri i dëshmorëve

dhe heronjëve të kombit tonë, veprimtarë e aktivistë të çështjes kombëtare, ushtarë dhe komandant të UÇK-së, dhuna dhe terrori masiv i Serbisë pushtuese mbi shqiptarët, është përfundimi logjik dhe madhorë që përmbledhet në këtë dokument historik, që mban vulën e Shtëpisë së Bardhë dhe të Presidentit të lavdishëm Joe Biden!

Njohja reciproke në mes të

Kosovës dhe Serbisë do të ndodhë, sepse ky është rekomandimi amerikan që mban vulën e porosisë së madhe të Presidentit të SHBA-së Joe Biden!

Neve shqiptarëve nuk na mbetet asgjë tjetër, pos ta përsërisim qëndrimin historik në letrën e Presidentit të SHBA-së drejtuar homologut të tij serb Vučić!

Prishtinë, 10 Shkurt 2021!



EURO GLASS
SAINT-GOBAIN SEKURIT
PILKINGTON
Enveri
Adr: Fushë Kosovë
Mob: 044 10 20 10 / 049 145 336
E-mail: euro.glass@live.com



**QENDRA SPORTIVE
'BUJQËSIA'**
TEL: 045/82 82 82

Rugova: Kualifikimi në fazën tjetër është synim i Kosovës

“Atmosfera në ekipin e Kosovës është shumë e mirë. Basketbollistët janë të motivuar dhe sigurisht se do ta japin maksimumin në dy takimet që do t'i kemi gjatë muajit shkurt. Unë besoj fuqishëm në basketbollistët e Kosovës se do t'u qasen ndeshjeve me seriozitetin më të madh e të kualifikohemi në rrethin e ardhshëm, që do të ishte historike për basketbollin e Kosovës”, ka thënë Rugova



Kosova A më 18 shkurt do të ballafaqohet me Luksemburgun, kurse më 20 shkurt me Sllovakinë. Përballjet zhvillohen nga ora 19:00. Të dyja ndeshjet do të zhvillohen në Prishtinë ashtu siç të gjitha takimet e Grupit B parakualifikues për Botërorin 2023. Në këtë grup Islanda është lidere me tri fitore dhe një humbje, nga dy fitore kanë Kosova dhe Sllovakia, kurse Luksemburgu ndodhet në vendin e fundit me një fitore dhe tri humbje. Nëse “dardanët” shënojnë dy fitore në dy takimet e zhvilluara, atëherë do të kualifikohen në rrethin e ardhshëm. Të gjitha ndeshjet e Dritares së Tretë të Grupit B do të zhvillohen në Prishtinë. Ky ishte vendimi i mëhershëm nga Bordi i FIBA Evropës, duke i besuar edhe një ngjarje të rëndësishme Federatës së Basketbollit të Kosovës.

ardhshëm, që do të ishte historike për basketbollin e Kosovës”, ka thënë Rugova për faqen zyrtare të FBK-së. “Angazhimi nuk ka munguar asnjëherë dhe sigurisht se nuk do të mungojë as këtë herë. Ndeshja e parë do të jetë ndaj Luksemburgut, e që besoj në

fitore, ndërsa më pas do të kemi sfidën vendimtare me Sllovakinë. Kësaj radhe do të jemi mangët pa publikun, që gjithmonë ka dhënë mbështetje, por besoj se të gjithë do të përkrahin Kosovën për t'u kualifikuar në rrethin e ardhshëm”, ka deklaruar Rugova.

PRISHTINË, 10 SHKURT - Basketbollistët e Kosovës të martën mbrëma kanë filluar përgatitjet për ndeshjet shumë të rëndësishme që do t'i zhvillojnë këtë muaj. Atmosfera në ekipin e Kosovës është shumë e mirë dhe basketbollistët janë të motivuar për ta dhënë maksimumin dhe për të synuar kualifikim në rrethin e ardhshëm. Drejtori i Përfaqësuesve të

Kosovës, Granit Rugova, ka folur për rrjedhën e përgatitjeve. “Atmosfera në ekipin e Kosovës është shumë e mirë. Basketbollistët janë të motivuar dhe sigurisht se do ta japin maksimumin në dy takimet që do t'i kemi gjatë muajit shkurt. Unë besoj fuqishëm në basketbollistët e Kosovës se do t'u qasen ndeshjeve me seriozitetin më të madh e të kualifikohemi në rrethin e

Ceremonia e 'Laureatëve 2020' mbahet më 22 shkurt

PRISHTINË, 10 SHKURT - Komiteti Olimpik i Kosovës do ta organizojë edicionin e pestë të zgjedhjes së “Laureatëve” për vitin paraprak. Për shkak të masave të marra nga Qeveria e Republikës së Kosovës për mbrojtje nga pandemia Covid-19, ceremonia do të mbahet pa praninë e mysafirëve dhe vetëm me praninë e laureatëve. Ceremonia organizohet më 22 shkurt në “Hotel Swiss Diamond” në Prishtinë dhe do të transmetohet drejtpërdrejt në RTK. Juria në përbërje anëtarë të Bordit Ekzekutiv të KOK-ut, ish-sportistë dhe gazetarë sportivë, do



t'i zgjedhin çmimet për laureatët e vitit 2020, sipas kategorive: Sportistja dhe Sportisti i Vitit, Trajneri i Vitit, Kombëtarja e Vitit (meshkujt dhe femrat), Çmimi Special dhe Shpresa e Vitit (meshkujt dhe femrat).

Istogu eliminoi Gjilanin nga Kupa, kualifikohen Feronikeli, Trepça '89 dhe 'A&N'

Istog, 10 shkurt - KF Istogu e ka eliminuar skuadrën e Gjilanit nga gara e Kupës në futboll, pasi e mposhti në kuadër të 1/8 së finale me rezultat 2-0. Në ndeshjen e zhvilluar në stadiumin “Demush Mavraj”, Istogu u tregua skuadër me e saktë duke shënuar dy gola ndaj skuadrës që drejtohet nga Bylbyl Sokoli, kurse shënues për “Troftat” ishin Yoan Olivier dhe Erjon Qeta. Kualifikimin e ka siguruar edhe Trepça '89 që arritur fitore bindëse ndaj Ferizaj (4-0), deirsa dy gola për mitrovicasit i shënoi Muja dhe me nga një gol kontribuan Rrahmani dhe Memaj. Feronikeli arriti fitore të



vështirë, por të rëndësishëm ndaj Arbërisë (0-1), pasi golin e fitores e shënoi Miličkoviç në minutën e parafundit të ndeshjes. Ndërsa në çerekfinale u kualifikua edhe skuadra e “A&N”, e cila e mposhti Flamurtarin e Prishtinës (1-0).

Bashkimi dhe Prishtina përballen në Superligë

PRISHTINË, 10 SHKURT - KB Bashkimi dhe KB Prishtina do të përballen sërish, por kësaj radhe në kuadër të EBC Superligën e Femrave. Këto dy skuadra u sfiduan edhe javën e kaluar në finale të Kupës së Kosovës, ku fitore shënoi skuadra prishtinase dhe fitoi Kupën. Por, në EBC Superligën e Femrave vashat prizrenase kanë 11 fitore dhe vetëm një humbje, kurse vashat prishtinase tetë fitore dhe katër humbje. Takimi pritet të jetë

interesant, ashtu siç ka qenë në vitet e fundit kur janë përballur këto dy skuadra. Kujtojmë se gjatë këtij edicioni këto dy skuadra shkuan në katër vazhdime, një rekord për basketbollin e femrave në Kosovë. Vëllaznimi - Penza, po ashtu, është një sfidë interesante me të dyja skuadrat që synojnë të renditen sa më lart. Vashat nga Gjakova kanë nëntë fitore dhe tri humbje, kurse ato nga Penza gjashtë fitore dhe gjashtë

humbje. Dueli i fundit do të jetë në mes të Kastriotit dhe Trepçës, ku të dyja skuadrat kanë nga një fitore dhe 11 humbje.

SUPERLIGA - Java 13

Të enjten takohen:
18:00 Vëllaznimi - Penza
19:00 Bashkimi - Prishtina

Të premten takohen:
13:00 Kastrioti - Trepça



KOK-u pranon ftesën zyrtare për pjesëmarrje në LOD 'Pekin 2022'

PRISHTINË, 10 SHKURT - Komiteti Olimpik i Kosovës ka pranuar ftesën zyrtare nga Komiteti Olimpik Ndërkombëtar për pjesëmarrje në Lojërat e 24-ta Olimpikë Dimërore, të cilat prej 4-20 shkurt 2022 mbahen në Pekin të Kinës. Ftesa e dërguar në mënyrë

elektronike dhe me postë, e nënshkruar nga presidenti i KON-it, Thomas Bach, është tradicionale dhe akt simbolik që bëhet para Lojërave Olimpikë Verore dhe Dimërore. Presidenti i KOK-ut, Besim Hasani, me kënaqësi ka pranuar ftesën, derisa

shpreson se LOD "Pekin 2022" do të zhvillohen në një ambient të sigurt dhe pa pasur frikën e pandemisë Covid-19. Presidenti Hasani theksoi se Ekipi Olimpik i Kosovës do të përfaqësohet në Pekin me një ekip më të gjerë sesa në PyeongChang 2018, ku bëri debutimin me

skitarin Albin Tahiri. KOK-u momentalisht ka një normë olimpikë me skitarin Arbi Pupovci, ndërsa normën po e kërkojnë edhe skitarët e tjerë: Albin Tahiri, Fiona Blaka Rusta e Kiana Kryeziu. Tahiri, Pupovci e Blaka Rusta janë bursistë olimpikë të KOK-ut.



Lista e gjerë e Kosovës për ndeshjet kundër Luksemburgut dhe Sllovakisë

PRISHTINË, 10 SHKURT - Përfaqësuesja e Kosovës në basketboll gjatë muajit shkurt do t'i zhvillojë dy ndeshje në kuadër të parakualifikimeve evropiane për Kupën e Botës 2023. Dritarja e Tretë e kualifikimeve do të zhvillohet në Prishtinë, ku të gjitha ndeshjet e Grupit B do të zhvillohen në kryeqytetin e Kosovës. Kosova A më 18 shkurt do të ballafaqohet me Luksemburgun, kurse më 20 shkurt me Sllovakinë. Përballjet zhvillohen nga ora 19:00.

Përzgjedhësi Christos Marmarinos së bashku me ndihmësit e tij kanë publikuar listën e gjerë me 16 basketbollistë për këto sfida. Basketbollistët e Kosovës të martën mbrëma kanë zhvilluar stërvitjen e parë, kurse stërvitjen e dytë e zhvilluan të mërkurën nga ora 19:00.

Lista e gjerë e Kosovës: Divine Myles, Musab Malaj, Valon Bunjaku, Mikaile Tmusiq, Dardan Berisha, Erjon Kastrati, Denis Zenelaj, Arian Qallaku, Meriton Ismaili, Drilon Hajrizi,



Samir Zekiqi, Alban Veseli, Dion Sheqiri, Fisnik Rugova, Gëzim Morina dhe Urim Zenelaj. Për dallim nga ndeshjet e nëntorit, rikthehen Dardan Berisha, Gëzim Morina dhe Samir Zekiqi, kurse basketbollisti i natyralizuar për takimet e shkurtit do të jetë Divine Myles.

Për herë të parë të Kosova A janë ftuar Denis Zenelaj dhe Dion Sheqiri. Denis i luan në Gjermani për skuadrën Eisbaren Bremerhaven, ku paraqitet për

juniorët e kësaj skuadre dhe ekipin e parë, kurse Dioni aktivizohet në Itali, te skuadra Allianz Pallacanastro Trieste. Në këtë grup Islanda është lidere me tri fitore dhe një humbje, nga dy fitore kanë Kosova dhe Sllovakia, kurse Luksemburgu ndodhet në vendin e fundit me një fitore dhe tri humbje. Nëse "dardanët" shënojnë dy fitore në dy takimet e zhvilluara, atëherë do të kualifikohen në rrethin e ardhshëm.

'France Football' publikon 10 talentët e shkuar dëm, kryeson Cassano

PARIS, 10 SHKURT - A mund ta quajmë talent të shkuar dëm një lojtar që ka shënuar rreth 150 gola në karrierën e tij, fitoi një La Liga, një Serie A dhe dy Superkupa të Italisë? Po nëse emri është Antonio Cassano, i cili mund t'i kishte dhënë shumë më tepër futbollit botëror. Kjo është të paktën ajo që mendon "France Football", revista sportive franceze që shpiku "Topin e Artë" dhe akoma e jep atë çdo vit. Ajo ka përpiluar renditjen e dhjetë talentëve më të shkuar dëm në historinë e futbollit. Sipas revistës franceze, këta lojtarë mund të kishin dhënë shumë më tepër por, përkundrazi, kanë pasur një karrierë të përzier. Antonio Cassano është në vendin e parë. "France Football" i kujton ish-talentit barez shansin e dështuar te Real Madridi, grindjet me Capellon etj. Përmendet, gjithashtu, një



pasazh nga autobiografia e Tottit, e cila e përcakton Cassanon si lojtarin më të fortë me të cilin ka luajtur ndonjëherë. Në vendin e dytë të kësaj renditjeje speciale është një tjetër njohje e vjetër e Serisë A, Paul Gascoigne. Në vendin e tretë, Stan Bowles, rekordmen i paraqitjeve me QPR në vitet '70. Në këtë klasifikim ka edhe ish-lojtarë të tjerë të Serisë A, të tillë si Andry van der Mejde dhe Adriano Leite Ribeiro.

Lista e 10 talentëve më të mirë, të shkuar dëm, sipas "France Football"

1. Antonio Cassano
2. Paul Gascoigne
3. Stan Bowles
4. Antonio Valentin Angelillo
5. Dimitar Berbatov
6. Rashidi Yekini
7. Mario Basler
8. Nicolas Anelka
9. Andy Van der Mejde
10. Adriano

SHKURT

Joe Biden do t'i rihapë dyert e Shtëpisë së Bardhë për kampionët e NBA-s

Pas disa vitesh "përplasjesh" mes skuadrave të NBA-së dhe ish-presidentit Donald Trump, duket se me ardhjen e Joe Bidenit në postin e presidentit të Amerikës marrëdhëniet mes palëve do të stabilizohen. Dhe sinjali i parë i këtij normalizimi do të jetë vizita që skuadra kampione e NBA-së, LA Lakers, do të kryejë në Shtëpinë e Bardhë. Sipas mediave amerikane, presidenti Joe Biden do të formalizojë së shpejti ftesën për skuadrën kampione nga Los Anxhelosi, duke rikthyer traditën e ndërprerë, kur ekipet e NBA-së refuzonin ta takonin Donald Trumpin. Pritet që brenda shkurtit Lakersat të ftohen ta festojnë titullin në Shtëpinë e Bardhë, natyrisht duke respektuar masat kundër Covidit. "Do të ishte një kënaqësi për mua dhe skuadrën e Lakersave të shkojë në Shtëpinë e Bardhë", ka thënë LeBron James, duke konfirmuar se këtë herë nuk do ta refuzojë ftesën.

Silva 'godet' PSG-në: Meritoja më shumë respekt

Thiago Silva në verë la Paris Saint Germainin pas tetë sezonesh për t'u transferuar te Chelsea në Premierë Ligë. Aktualisht mbrojtësi brazilian, tashmë 36-vjeçar, është i lumtur te blutë e Londrës, por në një intervistë Thiago është rikthyer të flasë për PSG-në dhe rinovimin e mundshëm të kontratës me kampionët e Francës, duke zbuluar se drejtuesit e PSG-së e trajtuan shumë keq si atë ashtu edhe Edinson Cavanin duke mos u bërë asnjë ofertë për zgjatjen e bashkëpunimit. "PSG nuk më ofroi asgjë. Nuk më tha as: Thiago, a pranon të luash me ne për 1 euro? Absolutisht asgjë. Unë meritoja më shumë respekt. E njëjta gjë ndodhi edhe me Edinson Cavanin", ka deklaruar ish-kapiteni i PSG-së.

Benzema: Jemi rikthyer në garë për titull

Sulmuesi Karim Benzema insiston se Real Madridi është rikthyer në garën për titull. Reali, pavarësisht prej mungesave të shumta, mposhti Getafën (2-0), kurse Atletico Madrid barazoi me Celtan. "Mendoj se jemi rikthyer. Është gjithmonë vështirë kundër Getafes. Ne do të vazhdojmë kështu. Ka shumë kohë deri në fund të sezonit. Çdo ndeshje është finale dhe ne do të mundohemi t'i fitojmë të gjitha. Kemi besim. Ka shumë zhurmë rreth Madridit sepse është klubi më i mirë në botë", ka thënë Benzema.

Në garë për Alaban është edhe Chelsea

David Alaba mbetet një nga emrat më të nxehtë në merkaton e transferimeve. Largimi i tij me parametra zero në fund të sezonit bëri që shumë klube t'i viheshin pas për ta joshur. Në Spanjë nuk kanë asnjë dyshim që Alaba sezonin e ardhshëm do të luajë në Madrid, madje flasin edhe për një parakontratë me Realin. I bindur në këtë duket edhe drejtori i përgjithshëm i Bayern Munchen, Karl Hans Rummenigge por, prej pavarësisht krye detajeve në Angli, kanë një tjetër version. Sipas "Daily Telegraph", në garë për t'i siguruar shërbimet e mbrojtësit është futur edhe Chelsea. Londinezët janë të gatshëm të negociojnë me përfaqësuesit e lojtarit edhe pse kërkesat e tij ekonomike janë shumë të larta, kërkon një pagë sezonale prej më shumë se 20 milionë euro në sezon. Blutë ishin klubi më aktiv në merkaton e verës duke afruar lojtarë si Timo Werner apo Haverts por, me sa duket, nuk e kanë ndërmend të ndalen këtu.



NDËRMARRJA HIDROEKONOMIKE "IBËR - LEPENC" SH.A.

HYDRO - ECONOMIC ENTERPRISE "IBËR - LEPENC" J.S.C.

VODOPRIVREDNO PREDUZEĆE "IBËR - LEPENC" D.D.

Sheshi "Bil Klinton" Nr.13 Prishtinë, Kosovë Bulevar "Bil Klinton" Br.13 Prishtina, Kosovo
Tel: 038/526-070, 525-006, Fax: 038/526-159; Email: info@iber-lepenc.org

Ndërmarrja Hidroekonomike,,Ibër-Lepenc''SH.A. –Prishtinë, publikon këtë:

KONKURS

1. Asistente Administrative e Drejtorit të Departamentit të Administratës (1)

Detyrat dhe përgjegjësitë do të jenë si vijim:

- Pranon thirrje telefonike;
- Kujdeset për furnizim me kohë me material shpenzues;
- Mban evidencën e shpenzimeve të Drejtorit për reprezentacion;
- Kujdeset për përgatitjen me kohë të materialeve të Drejtorit si hartimi, përkthimi, shumëzimi, arkivimi, shpërndarja etj;
- Kujdeset për mirëmbajtjen përkatësisht kushtet higjieniko-teknike të zyrës së Drejtorit;
- Kryen edhe punët tjera sipas kërkesës së Drejtorit, të cilat për nga natyra i përgjigjen këtyre detyrave të punës;
- Për punën e tij/ saj i përgjigjet Drejtorit të Administratës.

Kushtet:

- Përgatitja e mesme shkollore;
- Përvoja e punës 1 (një) vit;

Marrëdhënia e punës: Në kohë të caktuar deri në një vit, me punë provuese deri në 6 muaj, me mundësi të vazhdimt.

4. Referent i dokumentacionit teknik të objekteve (1)

Detyrat dhe përgjegjësitë do të jenë si vijim:

- Arkivon, klasifikon dhe ruan dokumentacionin teknik;
- Rregullon dhe ruan dokumentacionin sipas përmbajtjeve karakteristike;
- Mban regjistrat adekuat të dokumentacionit;
- Merr pjesë në hartimin e dokumentacionit teknik të ri;
- Kryen edhe punët tjera, të cilat i përgjigjen përgatitjes shkollore dhe aftësive të fituara në punë;
- Për punën e vet e raporton dhe përgjigjet Shefit të Shërbimit dhe Menaxherit të Nj.Afariste "Uji dhe Gjenerimi".

Kushtet:

- Përgatitja e mesme shkollore;
- Njohuri e programeve kompjuterike;
- Përvojë pune në profesion prej së paku 1 (një) vit.

Marrëdhënia e punës: Në kohë të caktuar deri në një vit, me punë provuese deri në 6 muaj, me mundësi të vazhdimt.

Kërkesës për pozitat e kërkuara t'i bashkëngjitet:

- CV;
- Diploma e noterizuar;
- Vërtetimin e përvojës së punës;
- Ekstraktin e lindjes;
- Certifikata që nuk është nën hetime;
- Fotokopja e letër njoftimit;

Aplikacionet mund të merren në web-faqen zyrtare të Ndërmarrjes www.iber-lepenc.org.

Aplikacionet e plotësuar së bashku me kopje të dëshmive të kërkuara sipas konkursit dorëzohen në

Drejtorinë Qëndrore të N.H.,Ibër-Lepenc'' – Prishtinë ose përmes postës.

Afati i fundit për dorëzimin e aplikacioneve është 15 ditë nga dita e publikimit.

Aplikacionet e dorëzuara pas afatit të paraparë nuk pranohen, ndërsa aplikacionet e mangëta refuzohen me kandidatit e zgjedhur do të nënshkruhet Kontrata e punës pas sjelljes së certifikatës mjekësore.



Republika e Kosovës
Republika Kosova-Republic of Kosovo

Qeveria - Vlada-Government

MINISTRIA E ARSIMIT DHE SHKENCES

AGJENCIA PËR ARSIM DHE AFTËSIM PROFESIONAL DHE ARSIM PËR TË RRIUR
AGENCIA ZA PROFESIONALNO OBRAZOVANJE I OSPOSOBLAVANJE I OBRAZOVANJE ZA ODRASLE
AGENCY FOR VOCATIONAL EDUCATION AND TRAINING AND ADULT EDUCATION

Nr. 08/1
Dt. 10.02.2021

KONKURS

PËR REGJISTRIMIN ENXËNËSVE PËR VITIN SHKOLLOR 2020/2021 KLASËT E 10-ta PËR VIJUES NË ARSIMIN E MESËM TË LARTË PROFESIONAL – MESIMI PER TE RRIUR

Për plotësimin e vendeve të lira regjistrimin e nxënësve në klasën e dhjetë(10) në Shkollën Qendra e Kompetencës në Prizren, shpallim këtë drejtim:

Ekonomi		1 Paralele		24 nxënës	
1	Nëpunës Marketingu				

1. Kushtet e përgjithshme për regjistrimin e nxënësve të rregullt

Për regjistrimin e nxënësve në klasën e 10-të,për vijimin e mësimit për të rritur në shkolla profesionale, për vitin shkollor2020/2021, mund të konkurrojnë kandidatët, të cilët e kanë mbaruar arsimin e obligueshëm dhe që janë më të vjetër se 17 vjeç. Nxënësit,të cilët e kanë mbaruar klasën e 9 të jashtë Kosovës, obligohen ta bëjnë nostrifikimin e dëftësive në MASHT dhe pastaj të konkurrojnë për regjistrim.

2. Dokumentet e nevojshme për konkurrim

Nxënësit për të konkurruar për regjistrim në klasën e 10-të të shkollave profesionale, duhet të paraqesin këto dokumente:

Fletëparaqitjen (e cila merret në shkollën në të cilën konkurron)
Dëftesën origjinale për kryerjen e shkollës së mesme të ulët (6-9) dhe
Certifikatën e lindjes.

1. Afati i paraqitjes së dokumenteve dhe shpallja e rezultateve

Paraqitja e dokumenteve , bëhet 15ditë nga dita e shpalljes. Dorëzimi i dokumenteve bëhet në lokalet e shkollës Qendra e Kompetencës në Prizren, nga ora 9:00-15:00.

>> SHPALLJE TË VOGLA <<

► Alban Susuri shpall të pavlefshme dëftesat e kl I - IX shfmu " Naim Frashëri " Vlashnje.

► Muharem Duraku shpall të pavlefshme dëftesat e kl I - IX shfmu " Bajram Curri " Krushe e Madhe.

► Etnik Omaj shpall të pavlefshme dëftesat certifikatën diplomën shmlt "11 Marsi " Prizren.

► Jap banesë me qira afër 60 m2, kati III-Lagja Mati 1 Rr.Z3-Si Theodor Muzaka nr.14. në Prishtinë. Banesa posedon dhoma gjumi dhe sallon, kuzhinë, korridor banjo ballkon . Banesa është e mobiluar komplet, preferoj ta jap banesën me qira për afat të gjatë. Tel: +38344185233.

► Lëshoj banës me qira në lagjen "Dardania" në Prishtinë. Banesa ka 50 m2, me inventar të kompletuar, banesa ka kuzhinë me sallon, teras, banjo një dhomë gjumi, shpajz dhe korridor, banesa lëshohet për një qift ose për dy vajza. Tel: 044171328.

► Lëshoj shtëpinë me qira në lagjen Velania, pa pagesë sepse shtëpia ka nevojë për përkujdesje ndërsa shpenzimet mujore ti bëjë vetë banuesi si: ujë rrym bërlllok, Tel: 044-608-626.

► Lëshoj banës me qira për student apo familjar në lagjen "Mati 1" Rr. "Muharrem Feja", banesa është 70 m2 dhe i plotëson të gjitha kushtet, kati dytë ndërtim i ri tel: 044-686-900.

► Lëshoj banesë me qira, banesa është ndërtim i ri dhe gjendet në lagjen "Mati 1" rruga "Muharrem Feja" Prishtinë. Tel: 044-686-900.

► Lëshoj banesë me qira në lagjen "Mati 1" përball "Super Vivës", me sipërfaqe mbi 50 m2, kati dytë me ngrohje, klimë, ashensorë etj, çmimi 200 Euro. Tel: 044-185-233.

► Lëshoj banesë me qira garsoniere në Ulpian kati i parë, posedon tre shtretër dhe e mobiluar. Preferohet për studenta ose studente, një qift apo të tjerë. Çmimi është 185 euro. Tel: 044-812-875.

► Lëshoj garsonjer me qira në lagjen Ulpiana kati i parë. Banesa është e mobiluar dhe i plotëson të gjitha kushtet për banim, preferohet për një qift apo tre studentë, mund të merret për kohë të shkurt apo të gjatë. Çmimi është 180 Euro. Tel: 044-812-875.

► Urgjentisht kërkoj një banesë me qira në Prishtinë. Banesa duhet të ketë 1 ose 2 dhoma gjumi e mobiluar ose bënë edhe e pa mobiluar. Çmimi prej: 200-250 €. Tel: 045-660-188

► Lëshoj lokalit më qira. Lokali është i pasitur më të gjitha kushtet përcjellëse. Lokali gjendet në lagjen e Boshnjakëve në Mitrovicë. Për informata më të hollësishme mund të na kontaktoni në këtë numër të telefonit: 049-392-275

► Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanet me pamje nga parku me çmim sipas marrëveshjes tel: 045-891-338 ose 049-616-139

► Lëshoj banesën me qira në lagjen Bregu i Diellit te Furra "Qerimi2", i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira në lagjen Bregu i Diellit te Furra Qerimi2, i ka dy dhoma të fjetjes , sallon me kuzhinë, shpajz dhe dy ballkone. Për info 044/332-640.



#PDK134

1

**Enver
HOXHAI**

#Rimëkëmbje
PARTIA DEMOKRATIKE E KOSOVËS



121 NISMA
SOCIALDEMOKRATE

**ME
ÇLIRIMTARËT!**

11 BEKIM BRESTOVCI



#PDK134

Hisen BERISHA **53**

#Rimëkëmbje
PARTIA DEMOKRATIKE E KOSOVËS



VOTO 135 

Prof. Asoc. Dr.
SHKELQIM MILLAKU

54

RAMUSHI 2021
PËR PRESIDENT

★ ★ ★ ★ ★ ★

FORÇA E KOSOVËS


ALIANCA PËR ARDHMËRINË e KOSOVËS
ALLIANCE FOR THE FUTURE OF KOSOVO



#PDK134

Ramë
VATAJ **25**

#Rimëkëmbje
PARTIA DEMOKRATIKE E KOSOVËS



#PDK134

69

Safete MALIQI
QORMEMETI

#Rimëkëmbje
PARTIA DEMOKRATIKE E KOSOVËS



#PDK134

83

Bujar
KUKLECI

#Rimëkëmbje
PARTIA DEMOKRATIKE E KOSOVËS

PDK 134



Prof. Dr. Bekim HAXHIU
KAMISHI

109

#Rimëkëmbje
PARTIA DEMOKRATIKE E KOSOVËS



**Shteti.
Shtet.**

44

Jetlir
Zyberaj



#PDK134

8 Bajrush
Xhemaili

#Rimëkëmbje
PARTIA DEMOKRATIKE E KOSOVËS

127

SHQIPE MEHMETI SELIMI

10

#krejtdhedrejt

ANNOUNCING THE 2017 QUALITY & SALES AWARDS

Quality & Sales Award Recipients
(Listed in alphabetical order)

- ★ ARC Refreshments Corporation- Antipolo Philippines, Quality
- ★ Embotelladora Central S.A Paraguay, Quality
- ★ Fabrica de Bebidas Gaseosas Salvavidas S.A. Guatemala, Quality
- ★ Fluidi Sh.p.k. Kosovo, Quality
- ★ Industria e Comercio de Bebidas Funado Ltda Brazil, Quality
- ★ Interbrand S.A.L. Lebanon, Sales
- ★ Kofola CeskoSlovensko a.s. Czech Republic, Quality
- ★ Obi Zulal CJSC Tajikistan, Quality
- ★ Partex Sales sales Beverages Ltd. Bangladesh, Quality
- ★ Soft Drinks Georgia Georgia, Sales

MEKA HALAL FOOD

pashtetë pule

gluten free

halal

cilësi e garantuar

pa konservues